

B229.2

1

~~98.5~~

431

呂氏春秋卷第二十一 鎮洋華氏校本

開春論第一 察賢 期賢 審為 愛類 貴卒

呂氏春秋訓解 高氏

一曰開春始雷則蟄蟲動矣動蘇也時雨降則草木育矣

育長也飲食居處適則九竅百節千脈皆通利矣通利無壅閉也

疾病矣王者厚其德積眾善而鳳皇聖人皆來至矣雄曰鳳雌曰凰

曰皇三代來至門庭周室至於山澤詩云鳳皇鳴矣于彼高岡此之謂也聖人皆來至謂堯得夔龍稷契舜得

益湯得伊尹武丁其伯和修其行好賢仁而海內皆以

來為稽矣共國伯爵夏時諸侯也以好賢仁而人歸之

二年奔彘十三年共伯和攝行天子事至二十六年周
宣王立共伯和遂歸國誘時竹書未出故說此多訛

厲之難天子曠絕難厲王流于彘也周無天子而天下皆

來謂矣謂天子也以此言物之相應也故曰行也成也善說

者亦然言盡理而得失利害定矣豈為一人言哉善說者大

言天下之事得其分理愛之不助魏惠王死葬有日矣

憎之不枉故曰豈為一人言哉孟子所見梁惠王也秦伐魏魏徙都大梁梁在陳畱浚儀西大梁城是也天大雨雪至於牛

曰羣臣多諫於太子者曰雪甚如此而行葬民必甚疾

之戰國魏策官費又恐不給給足請弛期更日更改

太子曰為人子者以民勞與官費用之故而不行先王

之葬不義也子勿復言羣臣皆莫敢諫而以告犀首

魏人公孫衍也佩五國相印能合從連橫號為犀首犀首曰吾未有以言之末猶無也

是其唯惠公乎請告惠公言唯惠公能諫之也惠公曰

諾駕而見太子曰葬有日矣太子曰然惠公曰昔王季

厯葬於渦山之尾爨水齧其墓梁仲子云魏策作楚山之尾論衡死偽篇作

滑山之尾初學記十四引作渦水之尾爨從水舊本訛從木吳師道國策注姚宏云爨音鸞說文云漏流也一

日漬也見棺之前和棺題曰和題舊本作頭據李善注祭古冢文所引改說文

云題額也文王曰禧先君必欲一見羣臣百姓也天故使爨

水見之見猶出也。天國策論衡皆作夫又於是出而

爲之張朝百姓皆見之三日而後更葬此文王之義也

今葬有日矣而雪甚及牛目難以行太子爲及日之故

得無嫌於欲亟葬乎願太子易日先王必欲少留而撫

社稷安黔首也故使雨雪甚○國策無雨字因弛期而更爲日

此文王之義也若此而不爲意者羞法文王也太子曰

甚善敬弛期更擇葬日惠子不徒行說也又令魏太子

未葬其先君而因有說文王之義○因有當作有因有與又同國策作又因

說文王之義以示天下豈小功也哉韓氏城新城期十

五日而成韓氏本都弘農宜陽其後都潁川陽翟新城今河南新城是也故戎蠻子之國也段

喬爲司空有一縣後二日段喬執其吏而囚之囚者之

子走告封人子高曰唯先生能活臣父之死也子高賢者封人田

大夫職在封疆故謂之封人周禮亦有願委之先生封

人子高曰諾乃見段喬自扶而上城封人子高左右望

曰美哉城乎一大功矣子必有厚賞矣自古及今功若

此其大也而能無有罪戮者未嘗有也封人子高出去

也段喬使人夜解其吏之束縛也而出之故曰封人子

高爲之言也而匿己之爲而爲也段喬聽而行之也匿

己之行而行也說之行若此其精也封人子高可謂善

說矣叔嚮之弟羊舌虎善欒盈

欒盈晉大夫欒書之子欒黶之子懷子也欒

盈有罪於晉晉誅羊舌虎叔嚮為之奴而腭

奴戮也律坐父兄沒

入為奴周禮曰其奴男子入于罪隸此之謂也腭繫也。案字書無腭字疑是腭縮胸之意也

祈奚曰

吾聞小人得位不爭不祥

當諫君退之故不爭不祥也

君子在憂不

救不祥

憂阨也當諫君免之故不救不祥也

乃往見范宣子而說也

祈奚高梁

伯之子祈黃羊也為范宣子說叔嚮也范宣子范文子之子丐也。丐乃勾之或體

曰聞善為國

者賞不過而刑不慢賞過則懼及淫人刑慢則懼及君

子與其不幸而過盛過而賞淫人毋過而刑君子故堯

之刑也殛鯀於虞而用禹

殛誅也於舜用禹禹鯀之子也

周之刑也戮

管蔡而相周公

管叔周公弟蔡叔其兄也二人流言欲亂周室而戮之周公相成王而尹天下

也。注以蔡叔為周公兄誤說已見察微篇

不慢刑也宣子乃命吏出叔嚮

救人之患者行危苦不避煩辱猶不能免今祈奚論先

王之德而叔嚮得免焉學豈可以已哉類多若此

開春論

二曰今有良醫於此治十人而起九人所以求之萬也

以術之良故人多求之也故賢者之致功名也比乎良醫而君人者

不知疾求豈不過哉人皆知求良醫以治病人君不知求賢臣以治國故曰豈不過哉

今夫塞者塞舊本作塞趙云當作塞今從之塞亦作塞先代切說文云行棊相塞也勇力

時日卜筮禱祠無事焉善者必勝立功名亦然要在得

賢要約也魏文侯師卜子夏友田子方禮段干木禮式其閭也

國治身逸逸不勞也天下之賢主豈必苦形愁慮哉執其要

而已矣要謂師賢友明敬有德而已也雪霜雨露時則萬物育矣育成也

人民修矣疾病妖厲去矣妖怪厲惡去猶除也故曰堯之容若委

衣裘以言少事也宓子賤治單父子賤孔子弟子宓不齊也孫云李善注

文選潘正叔贈河陽詩宓作慮今案慮字是慮義字作此彈鳴琴身不下堂而單父

治巫馬期以星出以星入日夜不居以身親之而單父

亦治巫馬期問其故於宓子宓子曰我之謂任人子之

謂任力任力者故勞任人者故逸○說苑政理篇兩必

子則君子矣逸四肢全耳目平心氣而百官以治義矣

任其數而已矣也數術巫馬期則不然弊生事精○說苑

情事勞手足煩教詔雖治猶未至也皆其言不善也

察賢

三日今夫爚蟬者務在乎明其火振其樹而已火不明

雖振其樹何益雖振樹蟬飛去不能明火不獨在乎火

在於闇闇冥無所見火乃光當今之時世闇甚矣人主

有能明其德者天下之士其歸之也若蟬之走明火也

走趨也。○孫云李善注文選干令升晉紀
總論引作赴明火御覽九百五十二亦同
凡國不徒安

名不徒顯必得賢士傳曰不有君子其能趙簡子晝居

喟然太息曰異哉吾欲伐衛十年矣而衛不伐不伐不果伐也

侍者曰以趙之大而伐衛之細君若不欲則可也君若

欲之請令伐之○令疑今簡子曰不如而言也而衛有士十

人於吾所於猶在也吾乃且伐之十人者其言不義也而我

伐之是我為不義也故簡子之時衛以十人者按趙之

兵按止也歿簡子之身衛可謂知用人矣遊十士而國家

得安簡子可謂好從諫矣聽十士而無侵小奪弱之名

魏文侯過段干木之間而軾之

閭里也周禮二十五家為閭軾伏軾也禮國君

軾馬尾兵車不軾尚威武也

其僕曰君胡為軾曰此非段干木之間

歟段干木蓋賢者也吾安敢不軾且吾聞段干木未嘗

有以已易寡人也

謂以己之德易寡人之處不有也

吾安敢驕之

驕慢之也

段干木光乎德寡人光乎地

孫云李善注左太沖魏都賦地作勢

段干

木富乎義寡人富乎財其僕曰然則君何不相之

何不

干木為輔相也

於是君請相之段干木不有受則君乃致祿百

萬而時往館之

時往詣其館也

於是國人皆喜相與誦之曰吾

君好正段干木之敬吾君好忠段干木之隆

隆高也

居無

幾何秦興兵欲攻魏司馬唐諫秦君曰○古今人表有司馬庚與魏文

侯相接淮南正作庚注云秦大夫或作唐段干木賢者也而魏禮之天下莫

不聞無乃不可加兵乎○選注兵平二字倒秦君以為然乃按兵

輟不敢攻之輟止也○敢字疑衍魏文侯可謂善用兵矣嘗聞君

子之用兵莫見其形其功已成其此之謂也野人之用

兵也鼓聲則似雷號呼則動地塵氣充天流矢如雨扶

傷輿死尸○死與同履腸涉血無罪之民其死者量於澤矣

量猶滿也而國之存亾主之死生猶不可知也其離仁義亦

遠矣

期賢

四曰身者所為也天下者所以為也審所以為而輕重

得矣身所重天下所輕也得猶知也今有人於此斲首以易冠殺身以

易衣世必惑之惑怪也是何也冠所以飾首也衣所以飾

身也殺所飾要所以飾則不知所為矣為謂相為之為注謂疑讀

世之走利有似於此危身傷生刈頸斲頭以徇利則亦

不知所為也太王亶父居邠狄人攻之太王亶父公祖之子王季之父

文王之祖號曰古公詩曰古公亶父來朝走馬率西水

游至于岐下避狄難也狄人獫狁今之匈奴也注公

祖史記本紀作公叔祖類索隱引皇甫謐云公祖一名

祖紺諸蓋字叔類號曰太公也舊本脫詩曰古公四字

呂氏春秋卷二十一審為

今事以皮帛而不受事以珠玉而不有○莊子讓王篇皮帛句下有事

之以犬馬而不受一句此有字亦作受淮南道應訓云

事之以皮帛珠玉而弗受則犬馬句可不增詩大雅縣

正義云毛傳言不得免焉書傳略說云每與之

不止呂氏春秋云不受據此則此有字定誤 狄人之

所求者地也○淮南句上有曰太王亶父曰與人之兄

居而殺其弟與人之父處而殺其子吾不忍為也言忍

地與狄人戰鬪皆勉處矣為吾臣與狄人臣奚以異勉

殺人之子弟也處居也教邠人務安居為臣等耳故曰奚以異且吾聞

○案莊子云子皆勉居矣則此疑亦當有子字之不以所以養害所養杖策而去所以養者土地也所

也民相連而從之遂成國於岐山之下連結也民相與

結檐隨之眾多

復成爲國也岐山在右扶風美陽之北
其下有周地周家因之以爲天下號也
太王亶父可謂

能尊生矣也能尊生雖貴富不以養傷身雖貧賤不

以利累形今受其先人之爵祿則必重失之生之所自

來者久矣而輕失之豈不惑哉言今人重失其先人之爵祿爭土地而失其生

命故曰豈不惑哉韓魏相與爭侵地子華子見昭釐侯昭釐侯

有憂色子華子體道人也昭釐復諡也韓武子五世之孫哀侯之子也○昭釐已說見任數篇此五世

當作六世哀侯當作懿侯也子華子曰今使天下書銘於君之前書

之曰左手攫之則右手廢右手攫之則左手廢然而攫

之必有天下君將攫之乎否不與音歟昭釐侯曰寡

人不攬也子華子曰甚善自是觀之兩臂重於天下也

身又重於兩臂韓之輕於天下遠今之所爭者其輕於

韓又遠遠猶多也君固愁身傷生以憂之戚不得也戚近也舊本

戚作臧案臧不當訓近莊子讓王篇作戚此應不異昭釐侯曰善教寡人者眾矣

未嘗得聞此言也子華子可謂知輕重矣知輕重故論

不過也過失也中山公子牟謂詹子曰身在江海之上心居

乎魏闕之下柰何子牟魏公子也作書四篇魏伐得中山公以邑子牟因曰中山公子牟也

詹子古得道者也身在江海之上言志放也魏闕心下

象之法澁日而收之魏魏高大故曰魏闕言身雖在江海之上心存王室故在天子門闕之下也○案後一說

得本意

詹子曰重生重生則輕利言不以利傷生也中山公子牟

曰雖知之猶不能自勝也言人雖知重生當輕利也詹子

曰不能自勝則縱之神無惡乎言人不能自勝其情欲則放之放之神無所憎

惡言當寧神以保性也。縱之下當再疊縱之二字文

子下德篇淮南道應訓俱疊作從之從之又下不縱作不從又惡乎淮南作怨乎不能自勝而強不縱者此之

謂重傷重傷之人無壽類矣言人不能自勝其情欲而不放之則重傷其神也神

傷則天殞札瘥故曰無壽類也重讀復重之重。案此重不當讀平聲當從莊子釋文音直用反

審為

五曰仁於他物不仁於人不得為仁不仁於他物獨仁

於人猶若為仁仁也者仁乎其類者也故仁人之於民

也可以便之無不行也便利也 行為也神農之教曰神農炎 帝也士

有當年而不耕者則天下或受其饑矣當其丁壯之年 故不耕植則穀

不豐故有受 其饑者也女有當年而不績者則天下或受其寒矣

詩云不績其麻布也 舊本作不績其麻布也 誤案當全引詩文今補正故

身親耕妻親織身神農 之身也所以見致民利也賢人之不遠

海內之路而時往來乎王公之朝非以要利也要徼 也以

民為務故也以利民 為務人主有能以民為務者則天下歸

之矣王也者非必堅甲利兵選卒練士也非必隳人之

城郭殺人之士民也上世之王者眾矣而事皆不同其

當世之急憂民之利除民之害同也同等公輸般為高雲

梯欲以攻宋公輸魯般之號也在楚為楚王設攻宋之具也墨子聞之自魯往

裂裳裹足日夜不休十日十夜而至於郢郢楚都也見荆王

曰臣北方之鄙人也鄙小也聞大王將攻宋信有之乎王

曰然墨子曰必得宋乃攻之乎必不得宋且不得宋且不義猶

攻之乎猶尙也王曰必不得宋舊校云必一作既且有不義則曷

為攻之墨子曰甚善臣以宋必不可得臣以為攻宋必不可得也王

曰公輸般天下之巧工也已為攻宋之械矣械器也墨子

曰請令公輸般試攻之臣請試守之於是公輸般設攻

宋之械墨子設守宋之備公輸般九攻之

○舊本此句無公輸般三

字今據御覽三百二十所引補

墨子九却之不能入

入猶下也

故荆輟不攻

宋墨子能以術禦荆免宋之難者此之謂也聖王通士

不出於利民者無有

言皆欲利民也

昔上古龍門未開呂梁未

發

龍門河之阨在左馮翊夏陽之北呂梁在彭城呂縣大石在水中禹決而通之號曰呂梁發通也

河

出孟門大溢逆流

昔龍門呂梁未通河水穡積其深乃出於清門山之上大溢逆流無有涯

也無有丘陵沃衍平原高阜盡皆滅之

滅沒也

名曰鴻水

也鴻大

禹於是疏河決江為彭蠡之障

彭蠡澤在豫章障防也○黃氏曰抄

云此於地里不合盧云此為彭蠡之障不乾東土所活必承上為文且亦不必連下乾東土也

者千八百國此曰千八百者但謂被水災之國耳言使乾燥也禹致羣臣於會稽執玉帛者萬國

民得居燥土不溺死故曰活之也此禹之功也功治水勤勞為民無苦

乎禹者矣事功曰勞其治水鑿龍門辟伊闕匡章謂惠

子曰公之學去尊今又王齊王何其到也去尊棄尊位也今王事齊

王居其尊位謂惠子言行何其到逆相違背也。古倒字皆作到惠子曰今有人於此

欲必擊其愛子之頭石可以代之愛子所愛之子也舍

曰石可以代子也匡章曰公取之代乎其不與言公取石以代

郭施取代之子頭所重也石所輕也擊其所輕以免其

所重豈不可哉言其可也。施惠子名此段乃惠子語。匡章曰齊王之所

以用兵而不休攻擊人而不止者其故何也為何等故也。惠

子曰大者可以王其次可以霸也今可以王齊王壽

黔首之命免民之死是以石代愛子頭也何為不何

為不用兵也。民寒則欲火暑則欲冰燥則欲溼溼則欲燥寒

暑燥溼相反其於利民一也利民豈一道哉當其時而

已矣冬寒欲溫夏暑欲涼故曰當其時而已矣。

愛類

六曰力貴突智貴卒音倉卒之卒。得之同則邀為上勝之同

則溼為下

溼猶遲久之也。案荀子修身篇卑濕重遲作濕字為是音他合切

所為貴驥

者為其一日千里也

貴其疾也

旬日取之與駑駘同

十日為旬駑駘

十日亦至千里故

所為貴鏃矢者為其應聲而至

鏃矢輕利

曰與駑駘同也

也小曰鏃矢終日而至則與無至同

射三百步終一日乃至是為與無所

至同也。舊校云無至一作無矢

吳起謂荆王曰荆所有餘者地也所

不足者民也今君王以所不足益所有餘臣不得而為

也臣無所得為君計耳於是命貴人往實廣虛之地皆甚苦之人

貴臣也皆不欲往實廣虛之地苦病之也荆王死貴人皆來尸在堂上貴人

相與射吳起吳起號呼曰吾示子吾用兵也拔矢而走

伏尸插矢而疾言曰羣臣亂王吳起死矣吳起拔人所射之矢以插

王尸因言曰羣臣謂王為亂而射王尸欲令羣臣被誅以自為報也且荆國之法麗兵於

王尸者盡加重罪逮三族吳起之智可謂捷矣捷疾也言發謀

以報其讎也齊襄公即位憎公孫無知收其祿齊襄公莊公購之孫

弟夷仲年之子故曰孫於襄公為從弟無知不說殺

襄公公子糾走魯公子小白奔莒既而國殺無知未有

君公孫無知自立為君故公子糾與公子小白皆歸俱

至爭先入公家公家公之朝也管仲扞弓射公子小白中鉤鉤帶

也鉤也鮑叔御公子小白僵御猶使也僵猶偃也管子以為小白死告

公子糾曰安之公子小白已死矣鮑叔因疾驅先入故

公子小白得以為君鮑叔之智應射而令公子小白僵

也其智若鏃矢也

鏃矢言其捷疾也

周武君使人刺伶悝於東

周伶悝僵

周武君西周之君伶悝東周之臣也僵斃也案此僵與上小白佯死之僵一也上訓僵

此不當又訓斃似當刪去

令其子速哭曰以誰刺我父也刺者聞以

為死也

刺者聞伶悝已死因報西周武君曰伶悝已死矣

周以為不信因厚罪

之

罪所使刺伶悝者也

趙氏攻中山中山之人多力者曰吾丘鳩

吾丘即虞邱漢書吾丘壽王說苑作虞邱鳩當即駘之或體集韻音戎用切從宄得聲未必然也孫云御覽

三百十三又三百五十六竝作鳩

衣鐵甲操鐵杖以戰而所擊無不碎

呂氏春秋卷二十一
三
所衝無不陷以車投車以人投人也幾至將所而後死
將趙氏之將也近至其將所
然後死言吾上鳩力有餘也

貴卒

呂氏春秋卷第二十一

總校王詒壽分校

吳承志
金肇麒

校

呂氏春秋卷第二十二

鎮洋畢氏校本

慎行論第二 無義 疑似 壹行 求人 察傳

呂氏春秋訓解

高氏

一曰行不可不孰。不孰如赴深谿，雖悔無及。孰猶思也。有水曰澗。

無水曰谿，不可不思。行仁如入深谿，不可使滿而平也。雖悔行不純，淑陷入刑，碎無所復及也。君子計

行慮義。慮度也。度義而後行之也。小人計行其利，乃不利。傳曰：蘊利生孽，故曰

乃不利也。有知不利之利者，則可與言理矣。荆平王有

臣曰：費無忌。宋邦又本從左傳作極，各本俱作忌，與史記吳越春秋同。害太子建

欲去之。平王楚恭王之子棄疾也。王為建取妻於秦，而美。美好無忌

勸王奪奪取也王已奪之而疏太子疏遠也無忌說王曰晉

之霸也近於諸夏而荆僻也僻遠也故不能與爭爭霸也不

若大城城父而置太子焉以求北方城父楚北境之邑今屬沛國北方宋

鄭魯衛也王收南方是得天下也南方謂吳越也王說使太子居于

城父居一年乃惡之曰建與連尹將以方城外反連尹伍奢

子胥之父也方城楚之阨塞也反叛也王曰已為我子矣又尙奚求子太子也

對曰以妻事怨且自以為猶宋也猶如也。左傳作猶宋鄭也齊晉

又輔之輔助也將以害荆其事已集矣集合也王信之使執

連尹執囚也太子建出犇出犇鄭也左尹郄宛國人說之無忌

又欲殺之謂令尹子常曰郟宛欲飲令尹酒子常名囊瓦令尹子

囊之孫郟尹光唐之子也宛字也。注光唐無攷高或據世本為說宛字子惡注也字訛又謂郟宛

曰令尹欲飲酒於子之家郟宛曰我賤人也不足以辱

令尹令尹必來辱辱屈也我且何以給待之無忌曰令尹

好甲兵甲鎧也兵戟也子出而寘之門寘置也令尹至必觀之已

因以為酬酬報也詩云獻酬交錯此之謂也。案古者燕飲於酬之時皆有物以致勸侑之意故曰

因以為酬注報也舊訛作及饗日惟門左右而寘甲兵

執也今據詩形弓傳改正及饗日惟門左右而寘甲兵

焉左氏昭廿七年傳作帷諸門左梁仲子云惟帷形聲俱相近古多通借左氏定六年釋文小惟子本又

作帷莊子漁父釋無忌因謂令尹曰吾幾禍令尹郟宛

將殺令尹甲在門矣令尹使人視之信信有甲也遂攻郟宛

殺之國人大怨動作者莫不非令尹非咎也。動作者左傳作進胙者

沈尹戌謂令尹曰夫無忌荆之讒人也沈尹戌莊王之孫沈諸梁葉公

子高之父也。戌左傳作戌莊王之曾孫也亾夫太子建夫衍字案昭廿七年左氏傳作喪

太子建殺連尹奢屏王之耳目屏蔽也今令尹又用之殺眾

不辜以興大謗患幾及令尹幾近也令尹子常曰是吾罪

也敢不良圖乃殺費無忌盡滅其族以說其國動而不

論其義知害人而不知人害己也以滅其族費無忌之

謂乎以讒邪害人人以公正害之故族滅也崔杼與慶封謀殺齊莊公莊

公死更立景公崔杼相之莊公名光靈公之子也景公名杵曰莊公之弟也慶

封又欲殺崔杼而代之相於是逐崔杼之子令之爭後

崔杼之子相與私鬪鬪也鬪讀近鴻緩氣言之○逐與逐同左氏哀十七年傳太子又

使逐之舊訓訴於此不切義當與喉同今人言挑撥意頗近之鬪舊本門內作卷字書無此字廣韻一送鬪字

下云兵鬪也又下降切俗作鬪集韻類篇皆同韻會鬪依說文从門謂廣韻今與門戶字同之說為非今鬪字

亦從之崔杼往見慶封而告之慶封謂崔杼曰且留吾將

與甲以殺之因令盧滿嬖與甲以誅之○盧滿嬖左傳作盧蒲嬖蒲滿

二字形近古書多互出盡殺崔杼之妻子及枝屬燒其

室屋報崔杼曰吾已誅之矣崔杼歸無歸因而自絞也

也絞經慶封相景公景公苦之慶封出獵景公與陳無宇

公孫竈公孫薑誅封無宇陳須無之子桓子也公孫竈惠公之孫公子欒堅之子子雅也

薑惠公之孫公子高祈之子子尾也與共誅慶封也堅子欒名祈子高名舊本子雅作子射訛今改正慶

封以其屬鬪不勝走如魯齊人以為讓責讓魯為其受慶封又去

魯而如吳王予之朱方朱方吳邑以封慶封也○吳字當重荆靈王聞之

率諸侯以攻吳圍朱方拔之靈王恭王庶子圍也覆取之曰拔得慶封

負之斧質以徇於諸侯軍因令其呼之曰毋或如齊慶

封弑其君而弱其孤以亾其大夫乃殺之亾其大夫謂崔杼強而死

○以亾左氏昭黃帝之貴而死黃帝得道仙而可貴然終歸於死堯舜

四年傳作以盟

之賢而死。孟賁之勇而死。人固皆死。若慶封者可謂重

死矣。謂之重死。身為僂支屬。不可以見行。伎之故也。

也。凡亂人之動也。其始相助。後必相惡。為義者則不

然。始而相與。久而相信。卒而相親。後世以為法程也。

慎行論

二曰先王之於論也。極之矣。也。故義者百事之始也。

始首也。萬利之本也。本原也。傳曰利義之和也。故曰利之本也。中智之所不及

也。不能及也。不及則不知。不知趨利。趨利脫一則字。趨

利固不可必也。公孫鞅。鄭平。續經。公孫竭。是已。公孫鞅商鞅也

鄭平秦臣也續經趙人也公孫竭亦秦之臣也竝下自解以義動則無曠事矣曠廢也

人臣與人臣謀為姦猶或與之又況乎人主與其臣謀

為義其孰不與者非獨其臣也天下皆且與之公孫鞅

之於秦非父兄也非有故也以能用也欲堙之責非攻

無以堙塞也缺欲報塞相秦之責非攻伐無以塞責於是為秦將而攻魏魏使

公子卬將而當之當應也公孫鞅之居魏也固善公子卬

使人謂公子卬曰凡所為游而欲貴者以公子之故也

今秦令鞅將魏令公子當之豈且忍相與戰哉公子言

之公子之主鞅請亦言之主而皆罷軍於是將歸矣使

人謂公子曰歸未有時相見言歸相見無有時也願與公子坐而

相去別也公子曰諾魏吏爭之曰不可公子不聽遂相

與坐公孫鞅因伏卒與車騎以取公子以秦孝公薨惠

王立以此疑公孫鞅之行欲加罪焉公孫鞅以其私屬

與母歸魏襄庇不受曰以君之反公子印也吾無道知

君故士自行不可不審也惠王殺鞅車裂之何得以其私族與母歸魏而不見受乎

公子印家何以不取而殺之鞅執公子印有罪於魏推

此言之復歸魏矣矣戰國策曰鞅欲歸魏秦人曰商君

之法急不得出也惠王得而車裂之襄庇魏人也○襄庇即穰庇竹書紀年梁惠成王二十八年穰庇帥師及鄭孔夜戰于梁赫本或作疵者訛鄭平於秦王臣也其於應侯交也欺

交反主為利故也方其為秦將也天下所貴之無不以

者重也重以得之輕必失之去秦將入趙魏天下所賤

之無不以也所可羞無不以也行方可賤可羞而無秦

將之重不窮奚待也待特也趙急求李欬李言續經與之俱

如衛抵公孫與公孫與見而與入抵主也入猶納也○案史記張耳傳去抵

父客索隱云抵歸也此訓最愜廣雅則云至也續經因告衛吏使捕之捕李續

經以仕趙五大夫五大夫爵也人莫與同朝賤續經之行也子孫不

可以交友人不交友之也公孫竭與陰君之事而反告之樗里

相國樗里疾也以仕秦五大夫功非不大也然而不得入三

都三都趙衛魏也又況乎無此其功而有行乎無有交友受寄託之功而有其

相輸告之行也。○正文其字疑當在有字下

無義

三曰使人大迷惑者必物之相似也玉人之所患患石

之似玉者相劍者之所患患劍之似吳干者吳干吳之干將者也

賢主之所患患人之博聞辯言而似通者通達也亾國之

主似智亾國之臣似忠相似之物此愚者之所大惑而

聖人之所加慮也慮則知之也故墨子見歧道而哭之為其可以

南可以北言乖別也周宅豐鎬近戎人與諸侯約為高葆禱於王

路○御覽三百三十八置鼓其上遠近相聞即戎寇至

傳鼓相告諸侯之兵皆至救天子戎寇當至

○當至別本作當至

今從元本御覽三百九十一一作戎嘗寇周幽王擊鼓諸侯之兵皆至褒姒大

說喜之

○御覽作大說而笑

幽王欲褒姒之笑也因數擊鼓諸侯

之兵數至而無寇至於後戎寇真至幽王擊鼓諸侯兵

不至幽王之身乃死於麗山之下為天下笑

○舊本無幽王擊鼓

諸侯兵不至九字之身倒作身之今竝從御覽補正

此夫以無寇失真寇者也賢

者有小惡以致大惡

惡積足以滅身故曰以致大惡

褒姒之敗乃令幽

王好小說以致大滅

詩云赫赫宗周褒姒滅之也

故形骸相離三公

九卿出走此褒姒之所用死而平王所以東徙也平王幽王

之太子宜臼也東徙於洛邑今河南縣也秦襄晉文之所以勞王勞而賜地

也秦襄公秦仲之孫莊公之子也幽王為犬戎所敗平王東徙襄公將兵救周有功受周故地鄠鎬列為諸

侯晉文侯仇穆侯之子也傳曰平王東遷晉鄭焉依此之謂也○焉依舊誤倒今從左氏隱六年傳乙正梁

北有黎丘部有奇鬼焉孫云章懷注後漢書張衡傳部引作鄉喜効人之

子姪昆弟之狀喜引作善案子姪之稱始見於此邑

丈人有之市而醉歸者黎丘之鬼効其子之狀扶而道

苦之丈人歸酒醒而謂其子謂曰吾為汝父也豈謂不

慈哉御覽八百八十三謂作為我醉汝道苦我何故其子泣而觸

地曰孽矣。無此事也。昔也往責於東邑人可問也。其父信之曰：「讀是必夫奇鬼也。」我固嘗聞之矣。明日端復飲於帝，欲遇而刺殺之。明旦之帝而醉，其真子恐其父之

不能反也。

反還也

遂逝迎之。

逝往也

丈人望其真子。

○選注作丈人

望見之

拔劍而刺之。丈人智惑於似其子者而殺其真子。

○其真子舊本作於真子今從選注改正

夫惑於似士者而失於真士。此黎

丘丈人之智也。疑似之迹不可不察察之必於其人也。

舜為御堯為左禹為右入於澤而問牧童入於水而問

漁師奚故也。其知之審也。夫變子之相似者其母常識

之知之審也

疑似

四曰先王所惡無惡於不可知不可知則君臣父子兄弟朋友夫妻之際敗矣十際皆敗亂莫大焉凡人倫以十際爲安者也釋十際則與麋鹿虎狼無以異多勇者則爲制耳矣不可知則知無安君無樂親矣無榮兄無親友無尊夫矣強大未必王也而王必強大王者之所藉以成也何藉其威與其利非強大則其威不威其利不利其威不威則不足以禁也禁止其利不利則不足

以勸也勸進也故賢主必使其威利無敵故以禁則必止

以勸則必為為治也威利敵而憂苦民行可知者王威利

無敵而以行不知者無仁義之行也小弱而不可知則

強大疑之矣小而不小弱而不弱也人之情不能愛其所

疑小弱而大不愛則無以存小國弱國而為強大者不為大國所愛則無以自存

故不可知之道王者行之廢廢壞也強大行之危危傾小

弱行之滅滅破也今行者見大樹必解衣懸冠倚劍而寢

其下。大樹非人之情親知交也而安之若此者信也大樹

不欺詐人陵上巨木人以為期易知故也巨木人所同見也期會其

下陰休之也故曰易知故也又況於士乎士義可知故也則期為必

矣聚人復期會於其所而咨諏之又況疆大之國疆大之國誠可知則

其王不難矣孟子曰以齊王猶反手也故曰不難矣人之所乘船者為其

能浮而不能沈也世之所以賢君子者為其能行義而

不能行邪僻也孔子十得賁孔子曰不吉賁色不純也詩云鶉之賁

賁。案詩作奔奔賁與奔古通用左傳僖五年襄廿七年禮記表記皆作賁賁子貢曰夫賁亦

好矣何謂不吉乎孔子曰夫白而白黑而黑夫賁又何

好乎故賢者所惡於物無惡於無處惡物之無目惡其無處可名之也

夫天下之所以惡莫惡於不可知也夫不可知盜不與

期賊不與謀盜賊大姦也而猶所得匹偶

所得二字疑倒又

況於欲成大功乎夫欲成大功令天下皆輕勸而助之

勸進也必之士可知

壹行

五曰身定國安天下治必賢人

身者國之本也詹子曰未聞身亂而國治者也

故曰身定國安而治須賢人也

古之有天下也者七十一聖觀於春秋

自魯隱公以至哀公十有二世其所以得之所以失之

其術一也得賢人國無不安名無不榮失賢人國無不

危名無不辱先王之索賢人無不以也

以用也

極卑極賤

極遠極勞。虞用宮之奇。吳用伍子胥之言。此二國者。雖

至於今存可也。則是國可壽也。有能益人之壽者。則人

莫不願之。今壽國有道。而君人者。而不求過矣。堯傳天

下於舜。禮之諸侯。妻以二女。臣以十子。身請北面朝之。

至卑也。舜布衣也。故曰至卑。伊尹庖廚之臣也。傅說殷之胥靡也。

胥靡刑罪之名也。皆上相天子。至賤也。禹東至樽木之地。日出

九津青羌之野。樽木大木也。津崖也。淮南子曰。日出陽谷。青羌東方之野也。樽木即扶木為

欲篇東至扶木攢樹之所。搢天之山。山高至天也。搢音民。撫也。疑亦與捫同音義。鳥

谷青丘之鄉。黑齒之國。東方其人齒黑。因曰黑齒之國也。南至交阯。孫

樸續楠之國丹粟漆樹沸水漂漂九陽之山南方積陽

九故曰九羽人裸民之處不死之鄉羽人鳥喙背上有

亦國也西至三危之國巫山之下飲露吸氣之民積金

之山飲露吸氣養形人也西方剛其肱一臂三面之鄉

北至人正之國夏海之窮衡山之上今正北極之國也

純陰故曰大冥之中處衡山者北極之山也。其肱疑

即海外西經之奇肱所謂一臂三目者是也注首今正

與正文人正不知孰是又之中犬戎之國夸父之野禺

疆之所積水積石之山不有懈墮犬戎西戎之別也夸

也之所處也積水謂海也積石山名也經營行之不懈

墮休息也。郭璞注海外北經云夸父者蓋神人之名

也經云北方禺彊人面鳥身珥兩青蛇踐兩赤蛇憂其黔首顏色黎黑竅藏不

通也病步不相過也罷以求賢人欲盡地利至勞也地利嘉穀也至

大也事功曰勞得陶化益真窺橫革之亥五人佐禹○王厚齋云荀子成

相曰禹得益皋陶橫革直成爲輔此陶卽皋陶也化益卽伯益也真窺卽直成也真與直字相類橫革名同唯

之交未詳盧云案窺或本是窺字與成音近故功績銘乎金石金鍾鼎也石豐碑也著

於盤盂盤盂之器皆銘其功昔者堯朝許由於沛澤之中曰十日

出而焦火不息不亦勞乎○梁仲子云莊子逍遙遊焦火作燭火釋文云本亦作焦

音爵此焦下已從火則不必更加火旁夫子爲天子而天下已定矣謂許

也請屬天下於夫子許由辭曰爲天下之不治與而既

已治矣。自為與。啁噍巢於林。不過一椽。自為為己也。與即也。啁噍小鳥也。

也。巢族也。偃息也。啁音超。啁噍莊子作鷦鷯。注與即也。疑誤。兩與字皆語辭。又偃息也。衍啁音超。亦非高注。

偃鼠飲於河。不過滿腹。歸已君乎。滿腹不求餘也。歸終也。惡用天

下。惡安也。遂之箕山之下。潁水之陽。耕而食。箕山在潁川陽城之西水

北曰陽也。終身無經天下之色。經橫理也。故賢主之於賢者也。物

莫之妨。不以物故妨害賢者。感愛習故。感親也。不以害之。故賢者聚

焉。賢者所聚。天地不壞。鬼神不害。人事不謀。人。不以姦邪謀之也。

此五常之本事也。皋子眾疑取國。召南宮虔。孔伯產而

眾口止。皋子賢者也。其取國告虔產口乃止。虔產其徒之賢者也。其事不與許由相連也。皋子眾疑許

由欲取國也。此注上下異說其取國上當有眾疑二字末云臯子眾疑許由欲取國也或當有一云二字以眾為臯子之名然於眾口止仍難強通。晉人欲攻鄭令叔嚮聘焉視其有人與無人。視其有無賢人也子產為之詩曰子惠思我褰裳涉

洧子不我思豈無他士叔嚮歸曰鄭有人子產在焉不

可攻也秦荆近其詩有異心不可攻也。鄭近秦與荆也其詩云子不我

思豈無他人將事秦荆故曰有異心不可攻也晉人乃輟攻鄭也。輟止孔子曰詩

云無競惟人子產一稱而鄭國免。詩大雅抑之二章也無競惟人四方其訓

之無競競也國之強惟在得人故曰鄭國免其難也

六曰求人

六曰夫得言不可以不察數傳而白為黑黑為白故狗

似獾獾似母猴母猴似人人之與狗則遠矣

獾猴獾此獸名也

愚者之所以大過也聞而審則為福矣聞而不審不若

無聞矣齊桓公聞管子於鮑叔楚莊聞孫叔敖於沈尹

筮審之也故國霸諸侯也

鮑叔牙說管仲於桓公沈尹筮說叔敖於莊王察其賢明

也審也吳王聞越王句踐於太宰嚭智伯聞趙襄子於張武

不審也故國亾身死也

太宰嚭吳王夫差臣也張武智伯臣也不審句踐襄子之智能

故越攻吳吳王夫差死於干遂智伯圍趙襄子於晉陽襄子與韓魏通謀殺智伯於高梁之東故曰國亾身死

也凡聞言必熟論其於人必驗之以理

驗效也理道理也

魯哀

公問於孔子曰樂正夔一足信乎孔子曰昔者舜欲以

樂傳教於天下乃令重黎舉夔於草莽之中而進之舜

以為樂正樂官之正也夔於是正六律和五聲以通八風而

天下大服六律六氣之律陽為律陰為呂合十二也五聲五行之聲宮商角徵羽也八風八卦之風

也通和陰陽故天下大服也和五聲風俗通正失篇引作和均五聲李善注文選馬季長長笛賦亦有均字

重黎又欲益求人益求如夔者也舜曰夫樂天地之精也得失

之節也故唯聖人為能和樂之本也夔能和之以平天

下和調也若夔者一而足矣故曰夔一足非一足也宋之

丁氏家無井而出溉汲常一人居外及其家穿井告人

曰吾穿井得一人有聞而傳之者曰丁氏穿井得一人

國人道之聞之於宋君宋君命人問之於丁氏丁氏對

曰得一人之使非得一人於井中也求能之若此疑是孫

求聞不若無聞也無聞則不子夏之晉過衛子夏孔子弟子卜商

也若此有讀史記者曰晉師三豕涉河意林子夏曰非也作渡河

是已亥也夫已與三相近豕與亥相似案已古文作

至於晉而問之則曰晉師已亥涉河也辭多類非而是

多類是而非是非之經不可不分經理也此聖人之所

慎也然則何以慎緣物之情及人之情以為所聞則得

之矣物之所得然者推之以人情則夔不得一足穿地作井不得一人明矣故日以爲所聞得之矣

察傳

呂氏春秋卷第二十二

總校王詒壽分校

汪熙葵
金肇麒
校

呂氏春秋卷二十三

鎮洋畢氏校本

貴直論第三 直諫 知化 過理 壅塞 原亂

呂氏春秋訓解 高氏

一曰賢主所貴莫如士所以貴士為其直言也言直則

枉者見矣

觀王之白別漆之黑也故枉者見矣

人主之患欲聞枉而惡直

言是障其源而欲其水也

障塞也○孫云御覽四百二十八作是障水源而欲其流

也

水奚自至

奚何也自從也

是賤其所欲而貴其所惡也所欲

奚自來

所欲欲聞已枉也貴其所惡惡聞直言則已枉何從來至淮南子曰塞其耳而欲聞五音掩其

目而欲譽青黃不可得也此之謂也

能意見齊宣王宣王曰寡人聞子好

直有之乎能姓也意名也齊士也宣王威王之子也對曰意惡能直意聞好

直之士家不處亂國身不見汚君身今得見王而家宅

乎齊意惡能直宅居也惡安也宣王怒曰野士也言鄙野之士也將罪

之能意曰臣少而好事長而行之王胡不能與野士乎

將以彰其所好耶與猶用也彰明也上有明君下乃有直臣王胡為不能用意之好直也

王乃舍之舍不誅也能意者使謹乎論於主之側亦必不阿

主阿曲也不阿主之所得豈少哉此賢主之所求而不肖

主之所惡也惡疾也狐據說齊潛王曰殷之鼎陳於周之

廷狐援齊臣也潛王齊宣王之子也殷紂滅亾鼎遷於周故陳其庭也狐援齊策作狐咥古今人表作狐

爰

其社蓋於周之屏屏障也言周存殷社而其干戚之屋其上屏之以為戒也

音在人之游

干楯戚斧舞者所執以舞也游樂也

亾國之音不得至於廟

亾國之社不得見於天亾國之器陳於廷所以為戒

戒懼

滅王必勉之其無使齊之大呂陳之廷

大呂齊之鐘律也陳列也

無

使太公之社蓋之屏

太公田常之孫田和也始代呂氏為齊侯田氏宗之號為太公

無

使齊音充人之游齊王不受狐援

潛王不受狐援之言

出而哭國

三日

狐援哭也○案合兩注觀之正文本無狐援二字三日困學紀聞考史引作五日或筆誤

其辭

曰先出也

出去也

衣絺紵後出也滿囹圄吾今見民之洋

洋然東走而不知所處齊王問吏曰哭國之法若何吏

曰斲斲王曰行法吏陳斧質於東闔不欲殺之而欲去

之狐援聞而蹶往過之蹶頭蹶走往也過猶見也吏曰哭國之法斲

先生之老歟昏歟昏亂也狐援曰曷為昏哉於是乃言曰

有人自南方來鮒入而鯢居鮒小魚鯢大魚魚之賊也啖食小魚而鯢居人國喻

為人害使人之朝為草而國為墟墟邱墟也殷有比干吳有子

胥齊有狐援已不用若言若言猶直言也又斲之東闔每斲者

以吾參夫二子者乎每猶當也斲狐援者比比于子胥而三之也故曰以參夫二子者

狐援非樂斲也國已亂矣上已悖矣哀社稷與民人故

出若言出若言非平論也將以救敗也固嫌於危固必也嫌

猶近也。此觸子之所以去之也。達子之所以死之也。樂毅為燕

昭王將伐齊，齊使觸子應之。齊湣王不禮觸子，觸子欲齊軍敗觸子乘車而去。故曰：所以去之。達子代觸子將

又為燕敗，故曰：達子之所。趙簡子攻衛，附郭自將兵及以死也。○事見權勳篇。

戰且遠立。附郭近郭也。遠立立於矢石所不及也。又居於犀蔽屏櫓之下。

○孫云：御覽三百五十一作屏蔽犀櫓，又三百十三亦作犀櫓。說文繫傳戶部屏字引趙簡子立於屏蔽之下。

蓋今本犀與屏互易也。鼓之而士不起。簡子投桴而歎曰：投棄也。鳴。

呼士之邀弊一若此乎。邀猶化也。一猶皆也。言士之變化弊惡皆如此乎。行人

燭過免冑橫戈而進曰：亦有君不能耳。士何弊之有。舊

本脫士字，今從御覽補與下文合。簡子艷然作色曰：寡人之無使而身

自將是眾也

○而舊訛汝今從御覽改正

子親謂寡人之無能有說

則可無說則死對曰昔吾先君獻公即位五年兼國十

九

○韓非難二作并國十七

用此士也惠公即位二年淫色暴慢身

好玉女

玉女美女也

秦人襲我遜去絳七十

○韓非作秦人來侵去絳十七

里用此士也

隕於韓為秦所獲也

文公即位二年底之以勇故三

年而士盡果敢城濮之戰五敗荆人圍衛取曹拔石社

○梁仲子云淮南齊俗訓殷人之禮其社用石詳陳氏禮書九十二

定天子之位

天子周襄王也

避子帶之亂出居于鄭文公納之故曰定天子之位也

成尊名於天下

尊名霸諸侯之名也

用此士也亦有君不能取

○韓非作耳御覽三百十三同

士何弊之有

簡子乃去犀蔽屏櫓而立於矢石之所及也及至也矢箭石砮一

鼓而士畢乘之畢盡也乘陵也。陵舊訛後今案文義改簡子曰與吾得革

車千乘也不如聞行人燭過之一言行人燭過可謂能

諫其君矣戰鬪之上枹鼓方用賞不加厚罰不加重一

言而士皆樂為其上死燭過之諫簡子能行

貴直論

二曰言極則怒極盡也人能受逆耳之盡言者少故怒之怒則說者危非賢

者孰有犯危而非賢者也將以要利矣要求也要利之人

犯危何益故不肖主無賢者無賢則不聞極言不聞極

言則姦人比周百邪悉起也起興若此則無以存矣凡國

之存也主之安也必有以也詩云何其久也必有以也此之謂也不知所

以雖存必凶雖安必危書曰於安思危此之謂也於

居安思危出左氏襄十一年傳所以不可不論也論猶知也

齊桓公管仲鮑叔甯戚相與飲酒酣也酣樂桓公謂鮑叔

曰何不起為壽鮑叔奉杯而進曰使公毋忘出奔在於

莒也桓公遭公孫無知殺襄公之亂也出使管仲毋忘

束縛而在於魯也不死公子糾之難出奔於使甯戚毋

忘其飯牛而居於車下甯戚衛人也為商旅宿於齊郭

於其車下飯牛疾商歌桓桓公避席再拜曰寡人與大
公知其賢舉以為大夫也

夫能皆毋忘夫子之言則齊國之社稷幸於不殆矣避席

下席也當此時也桓公可與言極言矣可與言極言故

可與為霸荆文王得茹黃之狗宛路之矰文王荆武王之矰弋射

短矢說苑正諫篇茹黃作如黃宛路作箇路御覽二百六亦作如黃以眈於雲夢眈獵也雲

夢楚澤在南三月不反得丹之姬說苑丹作舟淫朞年不聽

朝淫惑也朝正也注似菑申曰先王卜以臣為菑吉

菑太菑官也申名也說苑菑俱作係淮南說山訓作鮑申非今王得茹黃之狗宛路

之矰眈三月不反得丹之姬淫朞年不聽朝王之罪當

笞王曰不穀免衣纏綵而齒於諸侯

纏綵格繩綵小兒被也齒列也○舊

本纏訛樓被訛補案明理篇注云纏綵格上繩也此少一上字纏字被字據改正

願請變更而

無笞葆申曰臣承先王之令不敢廢也王不受笞是廢

先王之令也臣寧抵罪於王毋抵罪於先王王曰敬諾

引席王伏

○說苑作乃席王王伏

葆申束細荆五十

○說苑荆作箭

跪而

加之于背如此者再謂王起矣王曰有笞之名一也遂

致之

遂痛致之

申曰臣聞君子恥之小人痛之恥之不變痛

之何益葆申趣出

○說苑作趨出

自流於淵請死罪文王曰此

不穀之過也葆申何罪王乃變更召葆申殺茹黃之狗

析宛路之矰

○說苑析作折當從之

放丹之姬後荆國兼國三十

丸

○說苑作兼國三十令荆國廣大至於此者葆申之力也極言

之功也

直諫

三曰去以勇事人者以死也未死而言死不論

詐言已死不可

為人論說○此注未明事人以死謂并敵禦難而致死死有益於人國也未得死所而徒以言死其言又不用

是不論也下知之指君言下文甚明注皆非

以雖知之與勿知同

詩云既明且哲以保

其身傳曰生好物也死惡物也好物樂也惡物哀也雖知以死事人是為樂可哀也故與勿知同勿無也凡

智之貴也貴知化也人主之惑者則不然

不然不化未知化也

至則不知化已至雖知之與勿知一貫也事有可以過者有不可以過者而身死國亾則胡可以過此賢主之所重惑主之所輕也所輕國惡得不危身惡得不困危困之道身死國亾在於不先知化也吳王夫差是也夫差

吳王闔廬光之子也夫差不知勝越而為越所滅也子胥非不先知化也諫而不

聽故吳為邱墟禍及闔廬越王句踐報吳滅其社稷故為丘墟也宗廟破滅不得血

食故曰禍及闔廬也吳王夫差將伐齊子胥曰不可夫齊之與吳

也習俗不同言語不通我得其地不能處處居得其民

不得使使役去吳之與越也按土鄰境壤交通屬屬連

習俗同言語通我得其地能處之得其民能使之越於

我亦然夫吳越之勢不兩立越之於吳也譬若心腹之

疾也雖無作其傷深而在內也夫齊之於吳也疥癬之

病也不苦其已也且其無傷也今釋越而伐齊譬之猶

懼虎而刺獠獸三歲曰獠也雖勝之其後患無央虎之患未能央○央亦訓

盡後患不必指虎言太宰嚭曰不可君王之令所以不行於上國

者齊晉也君王若伐齊而勝之徒其兵以臨晉晉必聽

命矣是君王一舉而服兩國也君王之令必行於上國

上國中夫差以為然不聽子胥之言而用太宰嚭之謀

子胥曰天將亾吳矣則使君王戰而勝天將不亾吳矣

則使君王戰而不勝夫差不聽子胥兩祛高蹶而出於

廷兩手舉衣而行蹶踏也傳曰魯人之臬使我高蹈瞋怒貌此之謂也。此與舉趾高正相似哀廿一年傳

注高蹈遠行也無瞋怒意曰嗟乎吳朝必生荆棘矣嗟歎辭也子胥謂太宰嚭勸王

伐齊國必破亾故朝生荆棘也夫差與師伐齊戰於艾陵艾陵齊地也大敗

齊師反而誅子胥子胥將死曰與吾安得一目以視越

人之入吳也乃自殺夫差乃取其身而流之江傳曰子胥自殺

吳王盛之鴟夷投之江故曰流抉其目著之東門曰女胡視越人之入

我也居數年越報吳殘其國絕其世滅其社稷夷其宗

廟夷平也夫差身為擒為越所擒也夫差將死曰死者如有知

也吾何面以見子胥於地下乃為幘以冒而死冒覆面也慙見

於子胥也。以冒而死舊本作以冒面死案注云冒覆面也則正文不當有面字今改正夫患未至

則不可告也患既至雖知之無及矣故夫差之知慙於

子胥也不若勿知

知化

四曰亾國之主一貫一道也貫同也其所以亾之道同同於不仁且不知足也天時

雖異其事雖殊所以亾同者樂不適也樂不適則不可

以存糟丘酒池肉圃為格格以銅為之布火其下以人置上人爛墮火而死笑之以

為樂故謂之樂不適也。炮格各雕柱而桔諸侯不適

也。雕畫高柱施桔椽於其端舉刑鬼侯之女而取其環

聽妲己之譖殺鬼侯之女以為脯而取其截涉者脛而

視其髓以其涉水能寒也故視其髓欲知其耐殺梅伯而

遺文王其醢不適也。梅伯紂之諸侯也說鬼侯之女美

梅伯以為醢醢肉醬也。文王貌受以告諸侯。貌受心不

告諸侯也。作為琬室築為頃宮。琬室以琬玉文飾其室也頃

博大也。書傳多云架作琬室紂作頃宮今舉屬之紂

以言其土木之侈固不必細為分別也。梁仲子云淮南

剖孕婦而觀

其化化育也視其胞裏○注舊本作殺比干而視其心

不適也比干紂之諸父也數諫紂之非紂不能孔子聞

之曰其竅通則比干不死矣聖人心達性通紂性不仁

故孔子言其一竅通則比干不見殺也夏商之所以亾也桀殺關龍逢紂

夏商之所以亾也晉靈公無道從上彈人而觀其避丸也靈公

之子文公之孫也從高臺上引使宰人臚熊蹯不熟左

氏宣二年傳作宰夫臚熊蹯不熟殺之令婦人載而過朝以示威不適

也趙盾驟諫而不聽公惡之乃使沮麇盾趙成子之子

使鉏麇賊之今此賊之二字亦當有沮麇見之不忍賊

賊殺也 曰不怠恭敬民之主也 賊民之主不忠 大夫稱主 因曰民之

也 棄君之命不信 違命 不信 一於此不若死 不忠不信若行 之必有其一也

○正文一上 左傳有有字 乃觸廷槐而死 觸畜也 疑撞字之誤 齊潛王亾居

衛 潛王宣 謂公王丹曰 我何如主也 公王丹潛王臣也 公王丹即公王

丹古玉字作 王三畫勻 王丹對曰王賢主也 臣聞古人有辭天下

而無恨色者 臣聞其聲 聲名 於王而見其實 所行 王名

稱東帝實辨天下 辨治 去國居衛容貌充滿顏色發揚

也 光明 無重國之意 言輕 王曰甚善 丹知寡人寡人自去

國居衛也帶益三副矣 副或作倍度潛王之亾國宐也 但涵涎無憂恥辱喜於公王丹

巧佞之言因云丹知寡人也帶益三倍苟活者肥令腹大耳宋王築為藥帝鴟夷血

高懸之射著甲冑從下血墜流地宋王康王也藥當作轍帝當作臺藥與轍

其音同帝與臺字相似因作藥帝耳詩云庶姜轍轍高

長顏也言康王築為臺革囊之大者為鴟夷盛血於臺

上高懸之以象天著甲冑自下射之血流墜地與之名

言中天神下其血也○注顏舊本作類訛與之名言四

字劉本作左右皆賀曰王之賢過湯武矣湯武勝人今

謂之二字

王勝天賢不可以加矣加上也宋王大說飲酒室中有呼

萬歲者堂上盡應堂上已應堂下盡應門外庭中聞之

莫敢不應不適也不僭不濫動中禮義之謂適今此

畏無道不敢不應耳故曰不適也

過理

五曰亾國之主。不可以直言。不可以直言。則過。無道。聞

不可以直言。諫正也。則其過成。以無道遠聞。人皆

聞之。○過無道。聞言過。無路以聞於主也。注非是。而善

無自至矣。無自至則壅。自從也。傳曰善進善不善蔑由

矣。故曰壅。○注傳曰下文。秦繆公時戎彊大。秦繆公遺

有脫。今據論人篇注增補。秦繆公時戎彊大。秦繆公遺

之女樂二八與良宰焉。戎主大喜。以其故。數飲食。日夜

不休。左右有言秦寇之至者。因扞弓而射之。寇兵也。扞引也。○扞

舊說作扞。注同。案大荒南經有人方扞。扞弓射黃蛇。名曰蜮。人郭璞注。扞挽也。音紆。今據改正。扞亦音烏。秦

寇果至。戎主醉而臥於樽下。卒生縛而擒之。未擒則不

可知。不知將見擒也。已擒則又不知。醉不自知也。○舊校云一本作既擒則無及矣。李木

矣作也 雖善說者猶若此何哉 言說無齊攻宋齊湣王攻宋滅之也

宋王使人候齊寇之所至 也 候視 使者還曰齊寇近矣國

人恐矣左右皆謂宋王曰此所謂肉自生蟲者也 ○生舊本

作至訛今改正 以宋之強齊兵之弱惡能如此 言宋強盛齊兵之弱安能來至

此也 宋王因怒而誑殺之 誑枉也無罪而殺之曰枉 又使人往視齊寇

使者報如前宋王又怒誑殺之如此者三其後又使人

往視齊寇近矣國人恐矣使者遇其兄曰國危甚矣若

將安適 適之也 其弟曰為王視齊寇 ○為王舊本作不意為兄訛今改正

其近而國人恐如此也今又私患鄉之先視齊寇者皆

以寇之近也報而死今也報其情死以齊寇至之情實告宋王必誅死也

不報其情又恐死不以寇至之情報而設備齊寇至殺人是又恐死將若何其

兄曰如報其情有且先夫死者死先夫亾者亾與又同

於是報於王曰殊不知齊寇之所在國人甚安王大喜

左右皆曰鄉之死者宐矣王多賜之金寇至王自投車

上馳而走此人得以富於他國夫登山而視牛若羊視

羊若豚牛之性不若羊羊之性不若豚性猶體也若猶如也所自

視之勢過也而因怒於牛羊之小也此狂夫之大者狂

而以行賞罰此戴氏之所以絕也戴氏子罕戴公子孫也別為樂氏傳曰宋

之樂其與宋升降乎宋國衰子罕後子孫亦衰賞罰失
中故曰此戴氏之所以絕也○舊校云戴氏一本作叔
世齊王欲以滴子髡傅太子髡辭曰臣不肖不足以當

此大任也王不若擇國之長者而使之齊王曰子無辭

也寡人豈責子之令太子必如寡人也哉寡人固生而

有之也子為寡人令太子如堯乎其如舜也凡說之行

也道句不智聽智從自非受是也○道謂有道也自字疑衍今自以

賢過於堯舜○舊校云過一作遠彼且胡可以開說哉說必不入

不聞存君不納忠言之說鮮不危齊宣王好射好喜說

人之謂已能用彊弓也示有力也○用舊作則孫其嘗

所用不過三石以示左右左右皆試引之中關而止謂關

關弓弦正半而止也皆曰此不下九石非王其孰能用是言九石之弓獨

王用之耳宣王之情情實也所用不過三石而終身自以為用

九石豈不悲哉傷其自輕而不知其實○注自輕疑用輕之誤非直士其孰能

不阿主世之直士其寡不勝眾數也數道也故亂國之主

患存乎用三石為九石也力不足而自以為有餘也其功德其治理皆亦如之也

壅塞

六曰亂必有弟弟次也○弟本一作第今從汪本乃古第字大亂五小亂三

訛亂三大亂五謂晉國廢長立少立而復殺之也小亂三謂殺里克之黨也訛亂三謂於朝樂盈以兵

畫入于絳也。○訓字或音喧聲也。或云與訓同義皆不當。注亦不明了。此似皆指驪姬之亂安得忽及欒盈又

於朝上似尚有缺文竊疑訓或是討字之訛。惠公殺里克文公殺呂卻。是詩亂三也。故詩曰毋過

亂門所以遠之也。逸詩也。○案左氏昭十年傳子產引作諺。慮福未及慮

禍之所以見之也。○見疑免字之誤。武王以武得之以文持之

倒戈弛弓示天下不用兵所以守之也。晉獻公立驪姬

以為夫人以奚齊為太子里克率國人以攻殺之。殺奚齊也。

荀息立其弟公子卓已葬。里克又率國人攻殺之。復殺公子

也。於是晉無君。公子夷吾重賂秦以地而求入。地河外之城五

求入為晉君也。秦繆公率師以納之。晉人立以為君。是為惠公。

惠公既定於晉背秦德而不予地傳曰入而背秦賂此之謂也秦繆

公率師攻晉晉惠公逆之與秦人戰於韓原晉師大敗

秦獲惠公以歸囚之於靈臺十月乃與晉成成平也歸惠

公而質太子圉太子圉逃歸也惠公死圉立為君是為

懷公秦繆公怒其逃歸也起奉公子重耳以攻懷公殺

之於高粱高粱晉地而立重耳是為文公文公施舍振廢滯

匡乏困救災患禁淫慝薄賦斂宥罪戾宥寬也節器用用

民以時敗荆人于城濮荆人成王定襄王周襄王辟子帶之難出居于鄭又公

納之故釋宋出穀戍楚子圍宋又使申公叔侯守齊之穀邑晉文伐曹衛將平之楚愛曹

衛與晉俱成解宋之圍召穀戍而去之也外內皆服外諸侯內卿大夫也皆服文公之德也而

後晉亂止故獻公聽驪姬近梁五優施殺太子申生而

大難隨之者五三君死一君虜三君死申生奚齊公子卓也一君虜惠公為秦

所執囚之靈臺也○謝云三君死謂奚齊卓子懷公注誤大臣卿士之死者以百數

離咎二十年自上世以來亂未嘗一而亂人之患也皆

曰一而已此事慮不同情也事慮不同情者心異也故

凡作亂之人禍希不及身希鮮也

原亂

東論

凡非禮之人斷不與交世

曰一節以執事無不同辭也事無不同辭者心異也

獨谷二十季自比母以來論未嘗一而論人之愚也

本天邪矣齊車千對公其類
其因之靈臺也
大且嘯士之哀者以百

大難謂之香正三音次一音

外音廣立為德公離顯歌沒樂正對前野

呂氏春秋卷第二十三

總校王詒壽分校

吳章乃錫校

呂氏春秋卷第二十四 鎮洋畢氏校本

不苟論第四 不贊能 乘自知 當賞 博志 公貴當

呂氏春秋訓解 高氏

一曰賢者之事也雖貴不苟為

雖欲尊貴不苟為也 雖不如禮曰苟為也

聽不自阿

雖言見聽當以忠正不自阿媚以取容也

必中理然後動

非理不移也

必當義然後舉

非義不行也

此忠臣之行也賢主之所說

猶說

敬而不肖主之所不說

○舊作而不肖主雖不肖其說乃因下文而訛今改正

非

惡其聲也人主雖不肖

句其說忠臣之聲與賢主同

同

也 行其實則與賢主有異

賢主能用忠臣之言不肖主能刑殺之故曰有異也

故其功名禍福亦異

賢主受大福不肖主獲大禍故曰亦異也

異故子胥見

說於闔閭而惡乎夫差

夫差惡子胥也

比干生而惡於商

商紂惡之

也死而見說乎周

周武王說其忠也

武王至殷郊係墮

韓非外儲說

左下云文王伐崇至鳳黃虛韞繫解因自結一事而傳者異

五人御於前莫可之為

○疑是為之係倒二字脫一字

曰吾所以事君者非係也武王左釋白

羽右釋黃鉞勉而自為係孔子聞之曰此五人者之所

以為王者佐也不肖主之所弗安也故天子有不勝細

民者天下有不勝千乘者

天下海內也千乘一國也

秦繆公見戎由

余說而欲畱之由余不肖繆公以告蹇叔蹇叔曰君以

告內史廖內史廖對曰戎人不達於五音與五味君不

若遺之繆公以女樂二八人○人字疑衍與良宰遺之宰謂膳宰

戎王喜迷惑大亂飲酒晝夜不休由余驟諫而不聽因

怒而歸繆公也蹇叔非不能為內史廖之所為也其義

不行也繆公能令人臣時立其正義故雪穀之恥而西

至河雍也雪除也秦繆公相百里奚以百里奚為相也晉使叔虎

○梁仲子云叔虎即下文邵子虎晉大夫邵芮之父邵豹也見韋昭晉語注齊使東郭蹇如

秦公孫枝請見之公孫枝秦大夫子桑也公曰請見客子之事歟

對曰非也相國使子乎相國百里奚也對曰不也公曰然則子

事非子之事也

事見容事也。上子字疑衍。

○秦國僻陋戎夷事服其

任人事其事猶懼為諸侯笑今子為非子之事退將論

而罪

而汝也

公孫枝出自敷於百里氏百里奚請之公曰

此所聞於相國歟枝無罪奚請有罪奚請焉

奚何也

百里

奚歸辭公孫枝公孫枝徒自敷於街百里奚令吏行其

罪定分官此古人之所以為法也今繆公鄉之矣其霸

西戎豈不宐哉晉文公將伐鄴趙衰言所以勝鄴之術

文公用之果勝還將行賞衰曰君將賞其本乎賞其末

乎賞其末則騎乘者存賞其本則臣聞之郤子虎文公

召郤子虎曰衰言所以勝鄴鄴既勝將賞之曰蓋聞之

於子虎請賞子虎

○新序四御覽六百三十三皆無兩虎字是

子虎曰言之

易行之難臣言之者也公曰子無辭郤子虎不敢固辭

乃受矣凡行賞欲其博也博則多助今虎非親言者也

而賞猶及之此疏遠者之所以盡能竭智者也晉文公

亾久矣歸而因大亂之餘猶能以霸其由此歟

亾久謂避驪姬

之亂在狄十二年歷行諸侯五年凡十七年歸晉國因大亂之後能建霸功皆由用此術也

不苟論

二曰賢者善人以人中人以事

賢者以人中之德也中人任人以人之力也

不肖者以財傳曰政以賄成此之謂也得十良馬不

若得一伯樂伯樂善得馬得伯樂則得良馬不得十良

劍不若得一歐冶歐冶善為劍工得地千里不若得一

聖人義與歐冶同○孫云初學記十七賢類引作不如得一賢士意林及御覽四百二皆作賢人御覽八

百九十六作聖人當由後來傳本誤也舜得皋陶而舜受之受用也○注受字舊本作

授今案受之即書所謂俾予從欲以治也不當訓用舜未授皋陶以天下亦不當作授湯得伊尹

而有夏民有夏桀之民也文王得呂望而服殷商殷紂之眾服從

文王之德也夫得聖人豈有里數哉言得其用多不可數管

子束縛在魯為魯所束縛也桓公欲相鮑叔欲以鮑叔為齊相也鮑叔曰

吾君欲霸王則管夷吾在彼也彼魯臣弗若也桓公曰夷

吾寡人之賊也射我者也不可傳曰乾時之役申孫之矢射于桓公中鉤故曰

不鮑叔曰夷吾為其君射人者也其君公君若得而臣

之則彼亦將為君射人桓公不聽不從鮑強相鮑叔固

辭讓而相固必也○鮑叔當桓公果聽之於是乎使人

告魯曰管夷吾寡人之讎也願得之而親加手焉言欲

仲親手自殺魯君許諾乃使吏鞞其拳鞞革也以革膠

其目盛之以騶夷置之車中至齊境也境界桓公使人以

朝車迎之祓以燿火釁以犧豕焉火所以祓除不祥也周禮司燿掌行火之

政令故以燿火祓之也殺牲以血塗之為釁小事不用
大牲故以豶豚也傳曰鄭伯使卒出豶行出犬雞此之
謂也燿讀如權衡○權衡舊本
誤作權字今依本味篇注改正生與之如國也如至
命有

司除廟筵几而薦之也薦進曰自孤之間夷吾之言也目

盍明耳盍聰孤弗敢專敢以告于先君也告白因顧而命

管子曰夷吾佐子子我管仲還走再拜稽首受令而出

出於廟也管子治齊國舉事有功桓公必先賞鮑叔曰使齊

國得管子者鮑叔也桓公可謂知行賞矣凡行賞欲其

本也本則過無由生矣過失孫叔敖沈尹筮當作相

與友叔敖遊於郢三年聲問不知舊校云修行不聞一作晦

郢楚都也。沈尹莖謂孫叔敖曰：說義以聽，方術信行，能令人

主上至於王，下至於霸，我不若子也。耦世接俗，說義調

均以適主心，子不若我也。子何以不歸耕乎？吾將為子

游。欲令孫叔敖隱也。沈尹莖遊於郢，五年，荆王欲以為

令尹，沈尹莖辭曰：期思之鄙人有孫叔敖者，聖人也。梁

仲子云：左傳文十年杜注：楚期思邑，今弋陽。期思縣楊倬注：荀子非相篇云：鄙人郊野之人也。王必用

之，臣不若也。荆王於是使人以王輿迎叔敖，以為令尹

十二年，而莊王霸。此沈尹莖之力也。功無大乎進賢

贊能

三曰欲知平直則必準繩準平繩直也○欲知方圓則李本準皆作准

必規矩規圓矩方也人主欲自知則必直士唯直士能正言也故天

子立輔弼設師保所以舉過也舉猶正也夫人故不能自知

人主猶其○孫云御覽七十七作夫人固不能自知人主獨甚此猶其二字訛存亾安危

勿求於外言皆在己也務在自知堯有欲諫之鼓欲諫者擊其鼓也○

淮南主術訓作堯置敢諫之鼓舜有誹謗之木書其過失以表木也○

湯有司過之士司主也主正也武王有戒慎之鞞欲戒者搖

其鞞猶恐不能自知猶尙恐己不能自知其過失也今賢非堯舜湯武

也而有掩蔽之道奚繇自知哉荆成齊莊不自知而殺

荆成王為公子商臣所殺齊莊公
為崔杼所殺皆不自知之咎也
吳王智伯不自知而

也
吳王夫差也智伯晉卿智襄子也夫差為越所破死
于干隧智伯為趙襄子所破死于高梁之東故曰而

也
宋中山不自知而滅
宋康王無道為齊所滅中山
亂男女之別為魏所滅也
晉

惠公趙括不自知而虜
惠公為秦所虜趙括以軍降
秦坑其兵四十萬於長平也
鑽

荼龐涓太子申不自知而死
鑽荼龐涓魏惠王之將申
魏惠王之太子也與龐涓

東伐齊戰於馬陵齊人盡殺之故惠王謂孟子曰晉國
天下莫強焉叟之所知也及寡人身東敗於齊長子死

此之敗莫大於不自知也
莫無
范氏之亾也
范氏晉卿范
武子之後也

謂簡子率師逐范吉射也一日百姓有得鍾者欲負而
智伯伐范氏而滅之故曰亾也

走則鍾犬不可負以椎毀之鍾汎然有音
○李善注文
選任彥昇百

辟勸進賤况然作况然淮南說山訓作鎗然有聲恐人聞之而奪已也遽揜其

耳也遽疾也惡人聞之可也惡已自聞之悖矣為人主而惡

聞其過非猶此也此自揜其耳也○案非猶此也也與邪通用選注作亦猶此也則如字

惡人聞其過尙猶可魏文侯燕飲皆令諸大夫論己李○

善注文選孔文舉薦禰衡表引或言君之智也○孫云御覽六

百二十二作或言君仁或言君義或言君智疑此有脫文至於任座任座曰君不肖

君也得中山不以封君之弟而以封君之子是以知君

之不肖也文侯不說知於顏色知猶見也任座趨而出次及

翟黃翟黃曰君賢君也臣聞其主賢者其臣之言直今

者任座之言直是以知君之賢也文侯喜曰可反歟歟

也謂任座翟黃對曰奚為不可臣聞忠臣畢其忠畢盡

而不敢遠其死座殆尙在於門殆猶必也翟黃往視之任座

在於門以君令召之任座入文侯下階而迎之終座以

為上客客敬也文侯微翟黃則幾失忠臣矣微無也上順

乎主心以顯賢者其唯翟黃乎○新序一前作翟黃語後作任座語與此互異

自知

四曰民無道知天民以四時寒暑日月星辰之行知天

也以用四時寒暑日月星辰之行當則諸生有血氣之類

皆為得其處而安其產產生也○日抄作皆得其處無為字人臣亦無道

知主也主君人臣以賞罰爵祿之所加知主也加施主之賞

罰爵祿之所加者宜宜猶當也則親疏遠近賢不肖皆盡其

力而以為用矣為君用也晉文公反國賞從亾者而陶狐不

與賞不及之也○梁仲子云陶狐史記晉世家作壺叔外傳三說苑復恩篇作陶叔狐左右曰君

反國家爵祿三出而陶狐不與敢問其說欲知文公曰

輔我以義導我以禮者吾以為上賞教我以善彊我以

賢者吾以為次賞拂吾所欲數舉吾過者吾以為末賞

三者所以賞有功之臣也若賞唐國之勞徒則陶狐將

為首矣唐國晉國也勤勞之徒則陶狐也故不與周內

史興聞之曰晉公其霸乎內史興周大夫也奉昔者聖

王先德而後力晉公其當之矣當先德而秦小主夫人

用奄變羣賢不說自匿百姓鬱怨非上小主秦君也秦

之子也夫人用奄變為惑亂也○以公子連厲公會孫惠公

之欲入因羣臣與民從鄭所之塞公會孫靈公之子也

於小主為從父昆弟也○公子連即獻公於右主然守

塞弗入右主然秦守塞吏曰臣有義不兩主公子勉去

矣內公子連則兩主公子連去入翟從焉塞在安

北翟○注將翟二字疑衍菌改入之菌改亦守塞吏也夫人聞之大

駭小主夫人也駭驚也令吏興卒奉命曰寇在邊卒與吏其始發

也發行也皆曰往擊寇中道因變曰非擊寇也迎主君也

主君謂公子連公子連公子連因與卒俱來至雍圍夫人夫人自殺雍秦

也都也公子連立是為獻公怨右主然而將重罪之怨其不入己也

德菌改而欲厚賞之德其入己也監突爭之曰不可監突秦大夫也

秦公子之在外者眾眾多也若此則人臣爭入亾公子矣

此不便主如此則諸臣爭內亾公子亾公子得入則爭為君故於主不便也獻公以為

然故復右主然之罪復反也反其罪不復罪也而賜菌改官大夫官大

夫秦爵也

賜守塞者人米二十石獻公可謂能用賞罰矣凡

賞非以愛之也罰非以惡之也用觀歸也所歸善雖惡

之賞所歸不善雖愛之罰

傳曰善有章雖賤賞也惡此有釁雖貴罰也此之謂也

先王之所以治亂安危也

亂者能治之也危者能安之也

當賞

五曰先王有大務去其害之者故所欲以必得所惡以

必除此功名之所以立也

立成也

俗主則不然有大務而

不能去其害之者此所以無能成也夫去害務與不能

去害務此賢不肖之所以分也

分別也

使獐疾走馬弗及

至己而得者其時顧也反顧稽其行故見得也驥一日千里車輕

也以重載則不能數里任重也任載也賢者之舉事也不

聞無功言有功也然而名不大立利不及世者愚不肖為之

任也愚不肖人為之任政事故使其君賢名不立福利不及後世子孫也冬與夏不能兩

刑傳曰火中而寒暑退故曰不能兩刑○案刑猶成也草與稼不能兩成新穀熟

而陳穀虧凡有角者無上齒果實繁者木必庫有覈曰果物莫

能兩大故戴角者無上齒果實繁者木為之庫小也○大戴禮易本命篇戴角者無上齒又戰國秦策引詩曰

木實繁者披其枝亦是此用智徧者無遂功天之數也義梁仲子云齒庫為韻

也遂成故天子不處全不處極不處盈全則必缺極則必

反盈則必虧先王知物之不可兩大故擇務當而處之

孔墨甯越皆布衣之士也慮於天下以為無若先王之

術者

孔子墨翟也甯越中牟人也知道術之士也

故日夜學之有便於學者

無不為也有不便於學者無宵為也蓋聞孔丘墨翟晝

日諷誦習業夜親見文王周公旦而問焉

夜則夢見文王周公而問

其道也論語曰吾衰久矣吾不復夢見周公○案

吾衰久矣尚是朱子以前讀法宋本句讀亦如此用志

如此其精也

精微密也

何事而不達何為而不成故曰精而

熟之鬼將告之非鬼告之也精而熟之也

史曰日精所學致無鬼神

故曰有鬼告之也

今有寶劍良馬於此玩之不厭視之無倦寶

行良道一而弗復欲身之安也名之章也不亦難乎甯

越中牟之鄙人也苦耕稼之勞謂其友曰何為而可以

免此苦也其友曰莫如學學三十歲則可以達矣甯越

曰請以十五歲

○五字舊本脫據李善注文選章宏嗣博奕論補御覽六百十一同

人將

休吾將不敢休人將臥吾將不敢臥

○案吾下兩將字皆疑衍

十五

歲而周威公師之

威公西周君也師之者以甯越為師也

矢之速也而不

過二里止也步之遲也而百舍不止也今以甯越之材

而久不止其為諸侯師豈不宐哉養由基尹儒皆文藝

之人也

○尹儒一作尹需文藝本或作六藝今從李本與下篇合

荆廷嘗有神白猿

荆之善射者莫之能中。荆王請養由基射之。養由基矯

弓操矢而往。未之射而括中之矣。發之則後應矢而下。

則養由基有先中中之者矣。幽通記曰：養流睇而後號。此之謂也。注流字舊作

由基二字并儒學御三年而不得焉。苦痛之也。痛悼夜夢

受秋駕於其師。明日往朝其師。師字當重望而謂之曰：吾

非愛道也。恐子之未可與也。今日將教子以秋駕。秋駕御法

也。尹儒反走北面再拜曰：今昔臣夢受之。先為其師言

所夢。所夢固秋駕已。句上二士者可謂能學矣。可謂無

害之矣。此其所以觀後世已。二士甯越尹儒也。觀示也。

博志

六曰名號大顯不可彊求必繇其道繇用也治物者不於

物於人治人者不於事於君治飭也君侯也治君者不於君於

天子治天子者不於天子於欲欲貪欲也不貪欲則天子安樂也治欲

者不於欲於性性者萬物之本也不可長不可短因其

固然而然之此天地之數也窺赤肉而鳥鵲聚狸處堂

而器鼠散窺見也散走也衰絰陳而民知喪竽瑟陳而民知樂

湯武修其行而天下從修其仁義之行故天下順從之也桀紂慢其行

而天下畔慢易也豈待其言哉君子審在己者而已矣荆

有善相人者所言無遺策

遺猶失也聞於國之也

莊王見

而問焉對曰臣非能相人也能觀人之友也觀布衣也

其友皆孝悌純謹畏令如此者其家必日益益富也身必

日榮矣所謂吉人也觀事君者其友皆誠信有行好

善如此者事君日益官職日進此所謂吉臣也吉善也觀

人主也其朝臣多賢左右多忠主有失皆交爭証諫交俱

也○外傳九新序二作正如此者國日安主日尊天下

日服服其德也此所謂吉主也臣非能相人也能觀人之友

也莊王善之於是疾收士日夜不懈遂霸天下故賢主

之時見文藝之人也非特具之而已也所以就大務也

就成也夫事無大小固相與通田獵馳騁弋射走狗賢者

非不為也為之而智日得焉不肖主為之而智日惑焉

志曰驕惑之事不亾奚待志古齊人有好獵者○齊人舊本或

作君或作尹皆訛今從田抄改正孫云曠日持久而不御覽八百三十二又九百五竝作齊字

得獸入則媿其家室出則媿其知友州里惟其所以不

得之故則狗惡也欲得良狗則家貧無以無以於是還

疾耕疾耕則家富家富則有以求良狗狗良則數得獸

矣田獵之獲常過人矣過猶多也非獨獵也百事也盡然霸

王有不先耕而成霸王者古今無有此賢者不肖之所

以殊也

殊異也

賢不肖之所欲與人同堯桀幽厲皆然所

以爲之異故賢主察之以爲不可弗爲以爲可故爲之

爲之必繇其道物莫之能害此功之所以相萬也

萬倍也

貴當

貴當

必論其首飾莫之謂壽也

之論之異姑實生察之

以救也

呂氏春秋卷第二十四 總校王詒壽分校 周善溥 章乃錫 校

呂氏春秋卷第二十五 鎮洋畢氏校本

似順論第五 別類 有度 分職 處方 慎小

呂氏春秋訓解 高氏

一曰事多似倒而順多似順而倒也有知順之為倒

倒之為順者則可與言化矣也至長反短至短反長

天之道也夏至極長過至則短故曰至長反短冬至極短過至則長故曰至短反長也天道有盈縮

之數故曰荆莊王欲伐陳莊王楚穆王之子也使人視之使者曰

陳不可伐也莊王曰何故對曰城郭高溝洫深蓄積多

也寧國曰陳可伐也寧國楚臣○說苑權謀篇蓄積多下云其國寧也王曰陳可伐也後

似順論

莊王聽之之作夫陳小國也而蓄積多賦斂重也則民怨興兵伐之

上矣城郭高溝洫深則民力罷矣興兵伐之陳可取也

莊王聽之遂取陳焉傳曰伐而言取易也○注田成子傳曰舊作陳曰訛今改正

之所以得有國至今者有兄曰完子仁且有勇成子田常也有

國齊越人興師誅田成子曰奚故殺君而取國殺君殺齊簡公

而取其田成子患之完子請率士大夫以逆越師請必

戰戰請必敗敗請必死田成子曰夫必與越戰可也戰

必敗敗必死寡人疑焉疑焉不欲其死也完子曰君之有國也

百姓怨上賢良又有死之臣蒙恥以完觀之也國已懼

矣今越人起師臣與之戰戰而敗賢良盡死不死者不
敢入於國君與諸孤處於國以臣觀之國必安矣完子
行田成子泣而遣之夫死敗人之所惡也而反以為安

豈一道哉故人主之聽者與士之學者不可不博聽博則達

義學博則達道也尹鐸為晉陽下有請於趙簡子尹鐸者趙簡子家臣也晉

陽簡子邑為治也簡子曰往而夷夫壘我將往往而見壘是見

中行寅與范吉射也夷平也中行文子與范昭子專晉君權伐趙簡子圍之晉陽所作壘

壁培堙也簡子不欲見之故使尹鐸平除之也○晉語九壘下有培字觀此注似亦本有培字又是字下舊本

脫見字據鐸往而增之增益其壘壁簡子上之晉陽望

晉語補 呂氏春秋卷二十五 似順論 二

見壘而怒曰諛鐸也欺我於是乃舍於郊將使人誅鐸

也孫明進諫曰以臣私之鐸可賞也

孫明簡子臣孫無政郵良也私惟也

○晉語郵無正字伯樂左傳郵無恤亦名郵良即鐸之王良也此云孫明當即孫陽注云孫無政亦見前

言固曰見樂則淫侈見憂則諍治此人之道也今君見

壘念憂患而況羣臣與民乎夫便國而利於主雖兼於

罪鐸為之

○舊注云兼或作謙疑亦校者之辭謙字無義或當為嫌

夫順令以取容

者眾能之而況鐸歟

容說也況鐸為賢人也

君其圖之

圖議之也

簡子

曰微子之言寡人幾過

過失也

於是乃以免難之賞賞尹

鐸人主太上喜怒必循理

太上上德之君

其次不循理必數更

雖未至大賢猶足以蓋濁世矣

更革也變革不循危亡之迹雖未至大賢尚足

以蓋濁世專欲之人也

簡子當此

簡子之行與此相值也

世主之患恥不知

而矜自用好復過而惡聽諫

鄙恥於不知而矜大於自用復過惡諫固敗是求世

主之大病也○注舊本缺求字案固敗是求見左傳慶鄭語此用其成文今補

以至於危恥無

大乎危者

危敗則滅亡恥但慙辱耳故無大於危者也

似順論

二曰知不知上矣過者之患不知而自以為知物多類

然而不然故亡國僇民無已夫草有莘有藟

○御覽九百九十四

莘作華日抄作萃

獨食之則殺人合而食之則益壽

合藥而服愈人病故

曰蓋人萬莖不殺○莖烏頭也毒藥能殺人萬莖則不能殺未詳漆淖水淖○水

壽也下舊無淖字○今案文義補合兩淖則為蹇○蹇彊也言水漆相得則彊而堅也溼之則

為乾○乾燥也金柔錫柔合兩柔則為剛燔之則為淖○火熾金流

故為淖也或溼而乾或燔而淖類固不必可推知也○漆得溼而乾燥

金遇燔而流淖皆非其類也故曰不必可推知也小方大方之類也小馬大馬

之類也小智非大智之類也○大智知人所不知見一隅則以三隅反小智聞十裁

通其一故不可以為類也魯人有公孫綽者告人曰我能起死人○淮南

記曰王孫綽○見淮南覽冥訓彼注云蓋周人一日衛人王孫賈之後也人問其故對曰我

固能治偏枯○舊校云治一作為為亦治也今吾倍所以為偏枯之藥

則可以起死人矣。物固有所可以為小，不可以為大，可以

為半，不可以為全者也。半謂偏枯，全謂死人也。○梁仲子云：小大半全，乃概論物情。注

太相劍者曰白，所以為堅也。黃所以為物也。○物與韌泥，皆通用。李善注：王

文憲集序引作紉。黃白雜則堅，且物良劍也。難者曰白

所以為不物也。黃所以為不堅也。黃白雜則不堅，且不

物也。又柔則鎔。○字書無此。堅則折，劍折且鎔，焉得為

利。劍劍之情未革，而或以為良，或以為惡，說使之也。故

有以聰明聽說則妄說者，止無以聰明聽說則堯桀無

別矣。無聰明以聽說不能知賢，不肖故堯桀無有所別也。此忠臣之所患也。患憂也。

賢者之所以廢也

不見別白黑故廢棄也

義小為之則小有福大

為之則大有福於禍則不然小有之不若其亾也

禍雖微小

積小成大以危身亾國故曰小有之不若無也

射招者欲其中小也射獸者欲

其中大也物固不必安可推也

招淳藝也中小謂剖微不失毫分射之工也射

獸欲其中大者得肉多故以中為工也射則同也中之小大異故曰物固不必安可推也

高陽應將

為室家匠對曰未可也木尚生加塗其上必將撓

高陽宋邑

因以為氏應名也或作高魁宋大夫也家匠家臣也撓弱曲也故曰未可也○梁仲子云淮南人閒訓作高陽

魁廣韻陽字下引呂氏有辯士高陽魁此注內脫一陽字

以生為室今雖善後將必

敗家臣所謂直於辭而合事實者也

高陽應曰緣子之言則室不敗也

木益枯則勁也勁疆塗益乾則輕以益勁任益輕則不敗

此俛於辭而後必敗其言不合事實者也。俛當是勉强之義。匠人無辭而對受令而

為之室之始成也善其後果敗高陽應好小察而不通

乎大理也驥驚綠耳背日而西走至乎夕則日在其前

矣日東行天西旋日行遲天旋疾及夕日入於虞淵之北驥不能及故曰在前矣。注說迂曲。目固

有不見也智固有不知也數固有不及也不知其說所

以然而然聖人因而興制不事心焉

別類

三曰賢主有度而聽故不過也度法有度而以聽則不可

欺矣欺誤也不可惶矣不可恐矣不可喜矣以凡人之知

不昏乎其所已知而昏乎其所未知昏闇也則人之易欺

矣可惶矣可恐矣可喜矣知之不審也客有問季子曰

奚以知舜之能也季子戶季子堯時諸侯也季子曰堯固已治天下

矣舜言治天下而合己之符己堯也是以知其能也若雖

知之奚道知其不為私私邪也此二句客又問也季子曰諸能治

天下者固必通乎性命之情者當無私矣夏不衣裘非

愛裘也暖有餘也冬不用簞簞扇也非愛簞也清有

餘也清寒聖人之不為私也非愛費也節乎己也費舊本誤作

貴孫云重已篇云非好儉而惡費也節乎性也
與此正相同御覽四百二十九亦作費今改正節已雖

貪汙之心猶若止又況乎聖人許由非彊也有所乎通

也通於無為也有所通則貪汙之利外矣外棄也孔墨之弟子

徒屬充滿天下皆以仁義之術教導於天下然而無所

行教者術猶不能行又況乎所教所教謂孔墨弟子之弟子也是何

也仁義之術外也夫以外勝內匹夫徒步不能行又況

乎人主人主謂俗主又不能行也唯通乎性命之情而仁義之術自

行矣先王不能盡知執一而萬物治不能盡知萬物也執守一道而萬物

治理使人不能執一者物感之也感惑也故曰通意之悖

解心之繆去德之累通道之塞

悖繆累塞四者所以為人病也唯執一者能解

去道之塞不壅閉也

貴富顯嚴名利六者悖意者也

此六者人情所欲也孔子

曰富與貴人之所欲也不以其道得之不居故曰悖意悖亂也○案古讀皆以不以其道為句此注亦當爾論

語不處此作不居論衡問孔刺孟兩篇竝同

容動色理氣意六者繆心者也

此六者不節所以惑人心者也

惡欲喜怒哀樂六者累德者也

此六者不節所以

以為德累者也

智能去就取舍六者塞道者也

此六者宜適難中所以塞塞道

使不通者

此四六者不蕩乎胷中則正

蕩動也此四六者皆得其適不傾邪

蕩動於胷臆之中則正矣詩云靜恭爾位正直是與此之謂也

正則靜靜則清明明

則虛虛則無為而無不為也

虛者道也道尚空虛無為而無不為人能行之亦無

不為也

有度

四曰先王用非其有如己有之

○孫云御覽六百二十作如己之有案下文皆

作如己有之御覽非也

通乎君道者也

桀紂有天下非湯武之有也而湯武有之此之類也

故曰通乎君道者也

夫君也者處虛素服而無智故能使眾智也

智反無能故能使眾能也能執無為故能使眾為也無

智無能無為此君之所執也

君執一以為化之也○注之字疑衍

人主之

所惑者則不然以其智彊智以其能彊能以其為彊為

此處人臣之職也處人臣之職而欲無壅塞雖舜不能

為若此者雖舜之聖不能無雍塞况惑主乎武王之佐五人五人者周公旦召公奭太公望

畢公高蘇公忿生也武王之於五人者之事無能也然而世皆曰

取天下者武王也故武王取非其有如已有之通乎君

道也通乎君道則能令智者謀矣能令勇者怒矣能令

辯者語矣夫馬者伯樂相之造父御之伯樂善相馬秦繆公臣也造父

嬴姓飛廉之子善御周穆王臣也賢主乘之一日千里無御相之勞而

有其功則知所乘矣功千里之功也故曰知乘也今召客者酒請

也飲酒合樂為酣歌舞鼓瑟吹竽明日不拜樂已者拜謝也樂已者謂倡

優也而拜主人主人使之也先王之立功名有似於此有似

於主人使之者也使眾能與眾賢功名大立於世不予佐之者

而予其主其主使之也○其主二字舊本不重今據困學記聞十所引補譬之

若為宮室必任巧匠奚故奚何也曰匠不巧則宮室不善

夫國重物也其不善也豈特宮室哉特猶直也巧匠為宮室

為圓必以規為方必以矩為平直必以准繩功已就成就

也○李本作准別本作準不知規矩繩墨而賞匠巧匠之宮室已成

○困學紀聞賞匠巧下有也字又有巧字盧云案也字當有下匠之二字係衍文當刪不知巧匠

而皆曰善此某君某王之宮室也此不可不察也察猶知也

人主之不通主道者則不然自為人則不能○白為人疑是自為

之任賢者則惡之與不肖者議之此功名之所以傷傷

也也國家之所以危危也棗棘之有裘狐之有也食棘之敗

棗衣狐之皮先王固用非其有而已有之湯武一日而

盡有夏商之民盡有夏商之地盡有夏商之財以其民

安而天下莫敢之危○敢之二字似當乙轉以其地封而天下莫

敢不說以其財賞而天下皆競競進也無費乎鄣與岐周

而天下稱大仁稱大義通乎用非其有通達也白公勝得

荆國殺令尹子西司馬子期而得荆國也不能以其府庫分人七日石乞

曰患至矣石乞白公臣也不能分人則焚之母令人以害我白

公又不能不能焚之也九日葉公入乃發太府之貨子眾葉公

楚葉縣大夫沈諸梁子高也出高庫之兵以賦民賦子也因攻之十有

九日而白公死國非其有也而欲有之可謂至貪矣不

能為人又不能自為可謂至愚矣譬白公之嗇若臯之

愛其子也臯愛養其子子長而食其母也衛靈公天寒

鑿池靈公襄公之子宛春諫曰天寒起役恐傷民傷病也公曰天

寒乎宛春曰公衣狐裘坐熊席陬隅有竈新序刺奢篇陬隅作隩

隅是以不寒今民衣弊不補履決不組新序作苴君則不

寒矣民則寒矣公曰善令罷役左右以諫曰君鑿池不

知天之寒也而春也知之以春之知之也而令罷之福

將歸於春也○新序福作德御覽三十四同而怨將歸於君公曰不然

夫春也魯國之匹夫也而我舉之舉用也夫民未有見焉

未見其德今將令民以此見之曰春也有善於寡人有也曰

新序作且春之善非寡人之善歟靈公之論宛春可謂知君

道矣君者固無任而以職受任工拙下也賞罰法也君

奚事哉若是則受賞者無德而抵誅者無怨矣人自反

而已此治之至也抵當也

分職

五曰凡為治必先定分君臣父子夫婦君臣父子夫婦

六者當位則下不踰節而上不苟為矣少不悍辟而長

不簡慢矣悍兇也辟邪也金木異任水火殊事陰陽不

同其為民利一也六者皆所以為民用故異所以安同

也同所以危異也言同異更相成同異之分貴賤之別長少之

義此先王之所慎而治亂之紀也聖人以治亂人以亂在所以由之也今

夫射者儀豪而失牆儀望也睇望毫毛之微而不視堵牆之大故能中也畫者儀

髮而易貌畫者睇毫髮寫人貌儀之於言審本也射必

畫必象人本不審雖堯舜不能以治本身審正也身不

故曰審本正而欲治者堯舜

且猶不能
故凡亂也者必始乎近而後及遠必始乎本

而後及末
近喻小遠喻大也為亂之君先小後大也本謂身末謂國也詹何曰未聞身亂而國治也

而後及末
故曰始乎本治亦然
未聞身治而國亂也故曰亦然故百里奚處乎虞

而虞亾處乎秦而秦霸
虞公貪璧馬之賂不從其言為晉所滅故亾也秦繆公用其謀

而兼西戎
故霸也
向摯處乎商而商滅處乎周而周王
向摯紂之太史

紂滅周武王用其謀而王天下也
百里奚之處乎虞智

非愚也
向摯之處乎商典非惡也無其本也
本謂虞商之君身不

治自取
滅亾也
其處於秦也智非加益也其處於周也典非加

善也有其本也
有其本言秦周之君身正而治也其本也者定分之謂

也言其為君治理分定不悖惑也齊令章子將而與韓魏攻荆荆令唐

蔑將而應之應擊也○唐蔑楚世家作唐昧應之舊作拒之注拒一作應梁仲子云水經泚水注

引作荆使唐蔑應之則軍相當六月而不戰齊令周最應字正是本文今改正

趣章子急戰其辭甚刻趣督也刻亦急也章子對周最曰殺之

免之殘其家王能得此於臣不可以戰而戰可以戰而

不戰王不能得此於臣與荆人夾泚水而軍泚○泚舊作梁仲子

云舊本水經泚水何氏焯改作泚水注引此文新校本從漢地理志改作比水引此作夾比而軍章子

令人視水可絕者荆人射之水不可得近近猶迫也有芻水

芻者告齊侯者也侯視也曰水淺深易知荆人所盛守盡其

淺者也所簡守皆其深者也候者載芻者與見章子章

子甚喜因練卒以夜奄荆人之所盛守果殺唐蔑章子

可謂知將分矣韓昭釐侯出弋鞞偏緩弋獵也論語曰弋不射宿昭

釐侯居車上謂其僕鞞不偏緩乎其僕曰然至舍昭釐

侯射鳥其右攝其一鞞適之適猶等也昭釐侯已射駕而歸

上車選閒選閒猶選頃也曰鄉者鞞偏緩今適何也其右從後

對曰今者臣適之昭釐侯至詰車令詰讓也各避舍○句上似

當有與右二字故擅為妄意之道雖當賢主不由也由用也今有

人於此擅矯行則免國家利輕重則若衡石為方園則

若規矩此則工矣巧矣而不足法巧而不足法者以法其不循規矩故也

也者眾之所同也賢不肖之所以其力也○其力疑當作共力謀

出乎不可用○舊校云一作行事出乎不可同此為先王之所

舍也舍而不為也

處方

六曰上尊下卑卑則不得以小觀上觀視也上君也尊則恣恣

則輕小物小物凡小事也輕小物則上無道知下下無道知上

上下不相知則上非下下怨上矣人臣之情不能為所

怨不能為之竭力盡節也人主之情不能愛所非方非罪之何能愛也此上

下大相失道也故賢主謹小物以論好惡好善也惡惡也巨防

容螻而漂邑殺人巨大防隄也如隄有孔穴容螻蛄則潰漏竅決至於漂沒閭邑溺殺人民

也突洩一燧而焚宮燒積竈突煙洩出則火濫炎上燒人之宮室積委也○突亦作

埃廣雅竈窻謂之埃或謂突當作突案說文突深也一日竈突

不云竈突何得以突為突之誤故今仍作將失一令而

軍破身死教令不當為失失令不從士無先登之心而懷犇北之志故軍破敗將見禽獲而身死也

主過一言而國殘名辱為後世笑主過一言猶將失一令故國殘名辱

聞以自汗辱乃為後衛獻公戒孫林父甯殖食林父孫

甯殖惠子也鴻集于囿虞人以告畜禽獸大曰苑小曰囿虞人主囿之官也以告以鴻

告也公如圍射鴻二子待君日晏公不來至也晏暮來不釋

皮冠而見二子二子不說逐獻公立公子黜傳曰衛人立公孫剽

孫林父甯殖相之此云立公子黜復誤矣案衛世家公

子黜乃靈公之子太子蒯瞶之弟也是為悼公於獻公

為曾孫也焉衛莊公立欲逐石圃莊公靈公之子蒯瞶

子也蒯瞶在外圃不欲登臺以望見戎州而問之曰是

何為者也侍者曰戎州也戎州戎之邑也莊公曰我姬姓也戎

人安敢居國使奪之宅殘其州晉人適攻衛戎州人因

與石圃殺莊公立公子起公子起衛靈公此小物不審

也審慎人之情不蹙於山蹙躓顛而蹙於垤垤蟻封也

人輕之故
躡顛也
齊桓公即位三年三言而天下稱賢羣臣皆

說去肉食之獸去食粟之鳥去絲罝之網
是三言也
吳起治

西河欲諭其信於民
吳起衛人也為魏武侯西河守諭明也
夜日置表於

南門之外
置立也表柱也
令於邑中曰明日有人能僨南門之

外表者仕長大夫
僨僵也長大夫上大夫也○能字舊本缺孫據紀聞十補御覽四百三十

同明日日晏矣莫有僨表者
莫無
民相謂曰此必不信

不信其有賞也
有一人曰試往僨表不得賞而已何傷
言不敢必得其

賞也○而已紀聞作則已言縱
不得賞非有害也注不得解
往僨表來謁吳起
謁告也

吳起自見而出仕之長大夫夜日又復立表又令於邑

中如前邑人守門爭表表加植不得所賞

如前與前令同也邑人貪

賞爭往僨表表深植而不能償不得其所賞也

自是之後民信吳起之賞罰

吳起

賞罰不欺民

賞罰信乎民何事而不成豈獨兵乎

言非獨信

用兵以成功也大信用賞罰以成事故使秦人不敢東向犯盜西河也。舊校云豈獨兵乎一作非獨兵也案

注大劉本作亦

慎小

論小

本亦
大隆

賞賜節乎刃而事而不劫豈圖其平
賞賜節乎刃而事而不劫豈圖其平

賞賜節乎刃而事而不劫豈圖其平
賞賜節乎刃而事而不劫豈圖其平

呂氏春秋卷第二十五 總校 王詒壽分校
章乃錫校
吳超校

呂氏春秋卷第二十六

鎮洋畢氏校本

士容論第六 務大 上農 任地 辯土 審時

呂氏春秋訓解 高氏

一曰士不偏不黨柔而堅虛而實而能其狀腴然不僂

若失其一一謂道也能柔堅虛實之士其狀貌腴然舒大不僂給巧偽為之畏失其道也傲小

物而志屬於大傲輕也輕略叢脞翳蔑之事而志屬連於有大成功也似無勇而

未可恐未可恐以非義之事也狼執固橫敢而不可辱害狼貪獸也所搏

執堅固橫猶勇敢之士若此者不可辱亦不可害也○注猶疑獷臨患涉難而處義不

越越失南面稱寡而不以侈大南面君位也孤寡謙稱也士之如此者使即南

面之君位亦處義而已不以奢侈
廣大也。○注位字闕今案文義補
今日君民而欲服海

外節物甚高而細利弗賴
海外四海之外而欲服之化
廣大也節物事也行事甚高

細小之利不
恃賴之也。耳目遺俗而可與定世
耳目視聽禮義是
則故能遺棄流俗

可與大定
於一世也。富貴弗就而貧賤弗竭
輕富貴甘貧賤。○竭
去也宋玉九辯云車

既駕兮
竭而歸。德行尊理而羞用巧衛
尊重道理而行羞以巧
媚自榮衛也。○注榮疑

營
寬裕不訾而中心甚厲
不訾毀敗人也
甚厲至高遠也難動以物而

必不妄折
不為物動唯義所
在不妄屈折也此國士之容也
容猶
法也齊有

善相狗者其鄰假以買取鼠之狗
假猶請也請善相狗
者買取鼠之狗也。○

舊校云一本作其鄰借之買鼠狗借猶請也今案
御覽九百五作其鄰藉之買鼠狗則當作藉字
暮年

乃得之曰是良狗也其鄰畜之數年而不取鼠以告相

者相者曰此良狗也其志在獐麋豕鹿不在鼠欲其取

鼠也則桎之其鄰桎其後足桎械也著足曰桎狗乃取鼠

○舊校云一本作狗則取鼠矣夫驥驚之氣鴻鵠之志有諭乎人心者

誠也人亦然誠有之則神應乎人矣言豈足以諭之哉

此謂不言之言也不言之言以道化也客有見田駢者田駢齊人也作道書

二十五篇被服中法進退中度趨翔閑雅辭令遜敏遜順也敏材也

田駢聽之畢而辭之辭遣也客出田駢送之以目以目送而視之

也弟子謂田駢曰客士與田駢曰殆乎非士也殆近也今

者客所弇斂士所術施也士所弇斂客所術施也

校云舊

術皆當作述今案古亦通用

客殆乎非士也故火燭一隅則室偏無

光燭照也偏半也

骨節蚤成空窳哭歷身必不長

長大也

眾無謀

方乞謹視見多故不良

良善也

志必不公

公正也

不能立功

也立成

好得惡予國雖大不為王

好得厚斂也惡予恡嗇也多藏厚亾故必不為

王禍災日至故君子之容純乎其若鍾山之玉桔乎其

若陵上之木

純美也鍾山之玉燔以爐炭三日三夜色澤不變陵上之木鴻且大皆天性也君子

天性純敏故以此為喻也

淳淳乎慎謹畏化而不肖自足

化教也常畏而奉之

不肖自足其智思以事必問詳而後行之也

乾乾乎取舍不悅而心甚素樸

乾乾進不倦也取舍不悅常敬慎也
心甚素樸精潔專一情不散欲也
唐尚敵年為史國史

也其故人謂唐尚願之故人者唐尚知舊也以唐尚明
習天文宿度審咎徵之應故為

也願之以謂唐尚唐尚曰吾非不得為史也羞而不為也

其故人不信也不信其羞為史及魏圍邯鄲唐尚說惠王而解

之圍以與伯陽惠王魏文侯之孫武侯之子孟子所見梁惠王也解邯鄲圍也以與伯陽以伯

陽邑資其故人乃信其羞為史也居有閒其故人為其

之也請於唐尚欲仕其兄唐尚曰衛君死吾將汝兄以代之其故

人反興再拜而信之夫可信而不信不可信而信此愚

者之患也可信謂唐尚羞為史不可信謂唐尚欲以其兄代衛君衛君不可得也而信為可得故曰

不可信而信也患者猶病也知人情不能自遺以此為君雖有天下

何益不能自遺也故曰雖有天下何益故敗莫大於愚愚之

患在必自用自用則戇陋之人從而賀之有國若此不

若無有古之與賢從此生矣古人傳位于賢以子不肖不可予也非惡其

子孫也非微而矜其名也反其實也微求也矜大也以國子賢則與子孫

不肖子其國必滅故曰反其實也

士容論

二曰嘗試觀於上志上志古記也三王之佐其名無不榮者

榮顯也其實無不安者功大故也實猶終也俗主之佐其欲名

實也與三王之佐同

同等也

其名無不辱者其實無不危

者無功故也

無大功故也

皆患其身不貴於其國也而不患

其主之不貴於天下也此所以欲榮而逾辱也

也逾益欲

安而逾危也孔子曰燕爵爭善處於一屋之下母子相

哺也區區焉相樂也

區區得志貌也。區區當作嘔嘔下同前諭大篇作姁姁

自以

為安矣竈突決上棟焚燕爵顏色不變是何也不知禍

之將及之也不亦愚乎

○及之當作及己

為人臣而免於燕爵

之智者寡矣夫為人臣者進其爵祿富貴父子兄弟相

與比周於一國區區焉相樂也而以危其社稷其為竈

突近矣而終不知也其與燕爵之智不異故曰天下大

亂無有安國一國盡亂無有安家一家盡亂無有安身

此之謂也故細之安細小必待大大之安必待小言相

○兩待字前論大篇俱作恃下贊字亦作恃細大賤貴交相為贊贊交更也然

後皆得其所樂也樂願薄疑說衛嗣君以王術嗣君衛平

秦貶其嗣君應之曰所有者千乘也願以受教衛君國

車千乘耳王者萬乘故願以受教也○案淮南道應訓

所有上有予字此注非是願以受教者願以千乘之國

受教也薄疑之對以千鈞諭王術一斤喻治國薄疑對
言王術可為於治國乎何有注皆不得本意
曰烏獲奉千鈞又況一斤千鈞三萬斤也喻衛君之賢
為王術若烏獲之力以舉一

斤言其易也。

淮南奉作舉

杜赫以安天下說周昭文君

杜赫周人杜伯之後

也周昭文君周分

為二東周之君也

昭文君謂杜赫曰願學所以安周

用

也杜赫對曰臣之所言者不可則不能安周矣臣之所

言者可則周自安矣

所言安行仁與義也

此所謂以弗安而安者

也當昭文君時人不安行仁義而仁義不行也

然仁義必安之本也故曰以弗安而安者也

鄭君問

於被瞻曰聞先生之義不死君不亾君信有之乎

鄭君穆公

也被瞻事鄭文公故穆公即

被瞻對曰有之夫言不聽

道不行則固不事君也若言聽道行又何死亾哉

言從賢臣

之言不故被瞻之不死亾也賢乎其死亾者也

使君無道臣不

能正乃死。亾耳。被瞻言聽道行。昔有舜欲服海外而不

成。既足以成帝矣。禹欲帝而不成。既足以王海內矣。湯

武欲繼禹而不成。既足以王通達矣。五伯欲繼湯武而

不成。既足以爲諸侯長矣。孔墨欲行大道於世而不成

既足以成顯榮矣。夫大義之不成。既有成已。故務事大

務大

三曰古先聖王之所以導其民者。先務於農。民農非徒

爲地利也。貴其志也。民農則樸樸則易用。易用則邊境

安。主位尊。

尊重也。○次易用。舊本脫用字。據御覽七十
七補。亢倉子農道篇作易用。則邊境安安則

主位尊又多

安則二字

民農則重重則少私義

○重亢倉子作童亦如大戴之王言

篇與家語童

重互異也

少私義則公法立力專一民農則其產復

○御覽復作厚亢

倉子作複下並同

其產復則重徙重徙則死其處

處居而

無二慮民舍本而事末則不令

善令

不令則不可以守不

可以戰

戰

民舍本而事末則其產約其產約則輕遷徙

輕遷徙則國家有患皆有遠志無有居心

居安也

民舍本

而事末則好智好智則多詐多詐則巧法令

巧讀如巧智之巧

亢倉子有巧法令則四字在下句首

以是為非以非為是后稷曰所以務

耕織者以為本教也是故天子親率諸侯耕帝籍田大

夫士皆有功業傳曰王耕一發班三之庶人終于千畝

作第有功級注一發周語作一墾此作發訛章

昭注一墾一耜之發也玩注意似充倉子本是是故當

時之務農不見于國當啟螫耕農之務農民不見于國

東郊故農民不得見于國也以教民尊地產也地產嘉穀也后妃率九嬪

蠶於郊桑於公田是以春秋冬夏皆有麻枲絲繭之功

以力婦教也力任其力効其功也○亢是故丈夫不織

而衣婦人不耕而食男女貿功以長生貿易也○以長生亢倉子作資

相為此聖人之制也制法也故敬時愛日非老不休休止也

非疾不息非死不舍舍置也上田夫食九人下田夫食五

人可以益不可以損損減也一人治之十人食之六畜皆

在其中矣此大任地之道也故當時之務不興土功不

作師徒庶人不冠弁弁鹿皮冠詩云冠弁如星冠弁不見詩攷恐是字誤娶妻

嫁女享祀不酒醴聚眾禮取婦之家三日不絕燭故不以酒醴之家三日不絕燭故不以酒醴

聚眾也農不上聞不敢私籍於庸為害於時也然後制野

禁苟非同姓苟誠也農不出御御妻也女不外嫁以安農也

異姓之女不出閭邑而嫁也野禁有五地未辟易不操麻不出糞出猶

捐也齒年未長不敢為園囿量力不足不敢渠地而耕溝渠

也農不敢行守其疆畝也賈不敢為異事異猶他為害於時也

然後制四時之禁山不敢伐材下木伐斫也澤人不敢灰

僂燒灰不以時多僂纒網罟罟不敢出於門罟罟不敢入於淵

罟也詩云施罟濊濊鱸鮪發發罟罟也詩云肅肅免罟罟魚澤非舟虞不敢緣名爲

害其時也舟虞主舟官若民不力田墨乃家畜國家難治三

疑乃極○義未詳是謂背本反則則法也失毀其國凡民自七

尺以上屬諸三官三官農工賈也農攻粟工攻器賈攻貨攻治也

時事不共是謂大凶奪之以土功是謂稽不絕憂唯必

喪其牝奪之以水事是謂籥喪以繼樂繼續也四鄰來虛

奪之以兵事是謂厲禍厲摩也因胥歲不舉銍艾數奪民

時大饑乃來野有寢耒或談或歌且則有昏喪粟甚多

皆知其末莫知其本真不敏也○三字疑亦正文

上農

四曰后稷曰子能以窶為突乎窶容汙下也突理出豐高也子能藏

其惡而揖之以陰乎陰猶潤澤也子能使吾士靖而剛浴士

乎士當作土○古士土間亦通用子能使保溼安地而處乎子能使藿

夷母淫乎淫延生也子能使子之野盡為冷風乎冷風和風所以成穀

也子能使藁數節而莖堅乎子能使穗大而堅均乎詩云

實發實秀實堅實好此之謂也子能使粟園而薄糠乎子能使米多沃

而食之彊乎無之若何凡耕之大方力者欲柔柔者欲

力息者欲勞勞者欲息棘者欲肥肥者欲棘棘羸瘠也詩云棘人

之樂樂言羸瘠也土亦有瘠土急者欲緩緩者欲急急者謂彊壚剛土也故欲緩緩者謂

沙墁弱土也故欲急和二者之中乃能殖穀溼者欲燥燥者欲溼溼謂下溼近汗泉故

欲燥燥謂高明曠乾故欲溼不燥不溼取其中適乃成黍稷也上田棄畝下田棄剛五

耕五耨必審以盡其深殖之度陰土必得大草不生草穢

也又無螟蜮蜮或作蝱食心曰螟食葉曰蜮兗州謂蜮為蝱音相近也○惠氏棟云蜮當為蝱

今茲美禾來茲美麥茲年是以六尺之耜所以成畝也

其搏八寸所以成剛也耜六尺其刃廣八寸古者以耜耕廣六尺為畝三尺為剛遼西

之人謂之墾也。○周禮廣尺深尺曰畧。此云三尺黃東

發謂於正文不合其言曰耜者今之犁廣六尺旋轉以

耕土其塊彼此相向亦廣六尺而成一隣此之謂畝而

百步為畝總畝之四圍總名其博八寸所以成畝者犁

頭之刃逐塊隨刃而起其長竟畝其起而空之處與刃

同其闊此之謂剛案此所云則與周禮相近墾字書無

攷耨柄尺此其度也。度制其耨六寸所以閒稼也。耨所

苗也刃廣六寸地可使肥又可使棘人肥必以澤。地耕

所以入苗閒也。肥肥即得穀多不則瘠瘠則得穀。熟則

少故曰可使也。人肥則顏色潤澤使苗堅而地隙人耨

必以旱使地肥而土緩。草端大月。大月孟冬至後

五旬七日菖始生。菖菖蒲水草也冬至。菖者百草之先

生者也。於是始耕。傳曰土發而。孟夏之昔殺三葉而穫

耕此之謂也。

大麥昔終也三葉薺亭歷薪莫也是月之季枯死大麥

孟夏之山百穀熟而可穫大麥旋麥也○初學記二十七引呂氏

三葉而穫大麥日至苦菜死而資生即蕢蒺藜也資疑而

樹麻與菽樹種也此告民地寶盡死凡草生藏日中出

菽豆也凡草庶草也日中春分也眾草生而

皆成出也而從事於蓄藏藏之於此告民究也究畢也刈五

熟也倉也時見生而樹生見死而穫死五時五行生殺之時也見

死謂秋冬穫生謂春夏種稼而生也見天下時地生財不與民謀天降四時地出

也故曰不稼穡自然之道有年瘞土無年瘞土祭土曰瘞年穀也有穀

與民謀祭土報其功也無穀祭土禳其神也○禳無失民時無使之治下知貧富利器

舊作讓訛趙改正

皆時至而作渴時而止利用之器有其時而為之無其時而止之是以老弱

之力可盡起○亢倉子作其用日半其功可使倍一辟曰倍

○注一辟不知事者時未至而逆之時既往而慕之慕思

也疑是一倍當時而薄之薄輕也言不重時也薄或作怠使其民而邈之邈逆之也民

既邈乃以良時慕此從事之下也操事則苦不知高下

民乃逾處種稔禾不為稔種重禾不為重晚種早熟為稔早種晚熟

為重詩云黍稷重稔是以粟少而失功不當其時故粟少也食之少氣

種稔菽麥此之謂也力故曰少而失功也

任地

五日凡耕之道必始於壚壚地也為其寡澤而後枯言土

燥溼也○注燥溼下疑當有一均字必厚其鞞厚深也○為其唯厚而及

餼者餼或作選莖之堅者耕之澤○梁仲子云餼疑即餼字集韻飽或從缶莖音義並

缺其鞞而後之上田則被其處下田則盡其沃無與三

盜任地夫四序參發大畝小畝為青魚脰苗若直獵地

竊之也既種而無行耕而不長則苗相竊也弗除則蕪

蕪穢也除之則虛虛動稼根則草竊之也故去此三盜者而後

粟可多也所謂今之耕也營而無獲者獲或作種其蚤者先

時晚者不及時寒暑不節稼乃多菑實其為晦也高而

危則澤奪陂則埒見風則儼

儼什也

高培則拔

培田側也

寒則

雕雕不實也

熱則脩

脩長也

一時而五六死故不能為來

來不成也

不俱生而俱死虛稼先死

虛根不實

眾盜乃竊望之似有餘

就之則虛

虛不穎不粟詩云實穎實粟有邵家室也

農夫知其田之易也

易治

也易讀如易綱之易也○注易綱梁仲子疑是易疇

不知其稼之疏而不適也

疏希

也中適也

知其田之際也不知其稼居地之虛也

虛亦希也

除則蕪除之則虛此事之傷也

傷敗也

故晦欲廣以平剛

欲小以深

○孫云李善注文選王元長策秀才文清剛冷風引此深作清今案深字是亢倉子作

欲深

下得陰

陰溼也

上得陽

陽日也

然後咸生

咸皆也

稼欲生

於塵而殖於堅者也殖長慎其種勿使數亦無使疏於其

施土無使不足也土壤亦無使有餘多也熟有耨也耨覆種也

必務其培其耨也植植者其生也必先先猶速也其施土也

均均者其生也必堅堅好也是以晦廣以平則不喪本本根

也莖生於地者五分之以地分別也莖生有行故邀長弱

不相害故邀大邀疾也衡行必得縱行必術正其行通其

風行行也夬心中央帥為洽風夬決也心於苗中央帥率

或作使○選注引作夬必中央師為洽風又引注云必於苗中央師然肅洽風以搖長也苗其弱

也欲孤弱小也苗始生小時欲得其長也欲相與居

言相依植不偃什○舊本無其字又注作相依助不僵

什皆訛脫今據齊民要術所引補正○齊民要術作相

要術居作俱今案○齊民要術作相

亢倉作居與此同其熟也欲相扶○齊民要術作相

扶持不傷折○齊民要術作相

此亦術二字是故三以為族乃多粟○齊民要術作相

禾之患不俱生而俱死是以先生者美米後生者為粃

粃不成○齊民要術作相

粟也○齊民要術作相

是故其耨也長其兄而去其弟○齊民要術作相

扶疏樹塹不欲專生而族居○齊民要術作相

也○齊民要術作相

迫塹而專居則多死○齊民要術作相

也○齊民要術作相

也去其兄而養其弟○齊民要術作相

專獨不能自蔭潤

其根故多枯死也

殺其大者養其小者也

殺其大者養其小者也

殺其大者養其小者也

殺其大者養其小者也

殺其大者養其小者也

殺其大者養其小者也

殺其大者養其小者也

殺其大者養其小者也

不通壤深不能自達故多孽死也薄土則蕃輻而不發壚埴冥色剛

土柔種免耕殺匿使農事得

辨土

六曰凡農之道厚之為寶斬木不時不折折猶堅也必穗稼

就而不穫穫得也必遇天苗苗害也夫稼為之者人也為治也

生之者地也養之者天也是以人稼之容足耨之容耨

據之容手謂根苗疎數之間也○亢倉子作耨之容耨耘之容手此之謂耕道是

以得時之禾長稠長穗大本而莖殺殺或作小本根也莖稍小鼠尾桑條

也穀疏穢而穗大穢禾穗果贏也其粟圓而薄糠圓豐滿也薄糠言米大也其

米多沃而食之彊彊有勢力也如此者不風風落也先時者莖

葉帶芒以短衡穗鉅而芳奪秬米而不香奪或作奮字後時

者莖葉帶芒而末衡舊校云末一作小穗閱而青零

青零未熟而先落閱亢倉子作銳多粃而不滿滿成也得時之黍芒莖而

微下穗芒以長亢倉穗下有字搏米而薄糠舂之易而食之

不噉而香香美也噉讀如餽厭之餽如此者不飴御覽八百四十二作餽竊疑上注

讀如謁厭之謁當在此句下據御覽噉音北縣切決不當讀謁也先時者大本而華莖

殺而不遂遂長葉藁短穗藁御覽作高後時者小莖而麻長短

穗而厚糠小米鉗而不香小米故厚糠也米鉗御覽作米令注云令新也得

呂氏春秋卷二十一 審時

時之稻大本而莖葆長稠疏穢穗如馬尾大粒無芒搏

米而薄糠舂之易而食之香如此者不益益息也○舊校云益一作

蒜蒜案御覽八百三十九作蒜注益息也義亦難曉先時者本大而莖葉格對對等

也短稠短穗多粒厚糠薄米多芒後時者纖莖而不滋

厚糠多粒處碎米不得恃碎小也恃或作待○御覽無處字字書無改下作碎米不

大注止碎小二字正文得恃及注恃或作待皆無定熟印天而死得時之麻必

芒以長疏節而色陽小木而莖堅厚臬以均後熟多榮

日夜分復生如此者不蝗蝗蟲不食麻節也得時之菽長莖而

短足其莢二七以爲族多枝數節競葉蕃實二七十四實也○莢

舊訛作美今從初學記御覽改下訛作英亦併改

大菽則圓小菽則搏以芳稱

之重食之息以香如此者不蟲

蟲不齧其菴也

先時者必長

以蔓浮葉疏節小菴不實後時者短莖疏節本虛不實

得時之麥稂長而頸黑二七以為行而服薄糕而赤色

稱之重食之致香以息使人肌

肌或作肥

澤且有力如此者

不蚰蛆先時者暑雨未至

至或作上

肘動蚰蛆而多疾

肘動病心

肘讀如疔○洪氏亮吉漢魏音引此注云肘讀如疔案肘如疔音同知肘肘本一字也今本疔作痛誤從舊本

改正亢倉肘動作肘腫

其次羊以節後時者弱苗而穗蒼狼

○案蒼狼

青色也在竹曰蒼篔在天曰倉浪在水曰滄浪字異而義皆同

薄色而美芒是故得時

之稼興興昌也失時之稼約約青病也莖相若稱之得時者重

粟之多量粟相若而春之得時者多米量米相若而食

之舊校云一作以為食得時者忍饑忍猶能也能耐也是故得時之稼

其臭香其味甘其氣章氣力也章盛也百日食之百日食之者食之百日也

耳目聰明也心意叡智叡明也四衛變彊四衛四枝也殞氣不入

身無苛殃苛病殃咎黃帝曰四時之不正也正五穀而已矣

五穀正時食之無病故曰正五穀而已

審時

呂氏春秋卷第二十六 總校王詒壽分校 許佑身校章乃錫